

CHIKOKA

 Atate athu Akumwamba, ife ndithudi tiri oyamikira masana ano chifukwa cha ichi, mwayi winanso uwu kudzaima paguwa, kuti tidzalengeze chuma chosafufuzika cha Yesu Khristu, kupita kwa dziko lakuwa limene liribe Mulungu, lopanda Khristu, lopanda chiyembekezo, ndipo lopanda chiyembekezo chodzapita ndi Yesu pamene Iye adzabwera. Ndipo ife tikuyesetsa, Ambuye, kuti timupereke Yesu Khristu ku mafuko. Ndipo pamene ife tasonkhana pano masana ano, mulole Mzimu Woyeru uyankhule ndipo utenthethse mitima yathu, ndi kutilimbikitsa ife pa Njirayi, mulole odwala achiritsidwe ndipo ochimwa apulumutsidwe, ndipo iwo amene ali okhumudwa alimbikitsidwe. Ndipo Mulungu alandire ulemelero wonse ndi ulemu, ndipo iwo uperekedwe ku Dzina Lake, pakuti ndicho cholinga chathu. Pakuti ife tikupempha izi mu Dzina la Yesu. Ameni.

Khalani pansi.

² Ndine wokondwa masana ano kudzayima pano kenanso, ndipo ku Beaumont. Ndipo kawirikawiri ine ndimakhala wotopa. Ine ndakhala ndikuyenda chiyambirenii Khrisimasi, osapumulira. Sikumakhala kulalikira kwambiri kumene ine ndimachita, kumene kumanditopetsa ine. Ndi masomphenya amene amanditopetsa ine. Ambuye wathu, amodzi anamupangitsa Iye kutembenuka, ndi kuti mphamvu Zake zamuchokera Iye. Masomphenya amodzi pa mneneri, Daniele, iye anati iye anavutitsidwa mmuto mwake kwa masiku ambiri. Ndipo chotero ife—ife sittingathe kuzifotokoza zinthu zimenezo. Ife timangodziwa kuti izo ziri chomwecho, ndipo palibe aliyense amene amadziwa bwinoko kuposa iwo amene zimawachitikira. Ndipo chotero ndife okondwa, ngakhalebe. Chimene ine ndikuyesetsa kuti ndichite ndi kugwiritsa ntchito mphatso ya uneneri ku ntchito ya uvangeri, ndipo izo sizimagwira ntchito mwanjira imeneyo basi, kulondola. Izo zimakhala zovuta kwambiri.

³ Chotero, koma ine ndikufuna kuti ndidzanene izi, pamene ine ndidzafika pa mapeto a ulendo, ndipo pamene mzinda uwu kuno uti udzauke, ndipo ngati a...m'badwo uno mu masiku otsiriza, ine—ine sindikufuna kudzakhala ndi magazi a munthu aliyense pa ine. Ine ndikufuna ndidzakhale mfulu kwa magazi onse. Ndipo ine ndayesetsa mwakukhoza kwanga kuti—kuti ndizipereke izo mwanjira ya Mwamalemba, utumiki uwu umene Ambuye andipatsa ine, mwanjira iliyonse imene ine ndikuidziwa. Ndipo ine ndikudziwa Mzimu Woyeru, mwa chisomo Chake, umandilola ine kuti ndizikhala chomwecho, mwakuti sindikuganiza kuti pakhala pali mabanga aliwonse.

⁴ Ndine wothokoza kwa M'bale Pearry Green ndi kwa abale awa pano amene ayika kuthekera kwavo kuti apange msonkhano uno ukhale wopambana. Ngati padzakhale aliyense wotayika, mu mzinda uno, mu m'badwo uno, izo ndithudi sizidzakhala pa amuna amenewo, chifukwa iwo aguduba za mwala uliwonse kuyesetsa kuwupanga iwo kukhala—wopambana. Kuwadyetsa anthu, kuwapezera iwo malo ogona, ndi—ndi pa televizioni, konsekense, kumangotenga ndalamaka kuchokera mmatumba mwawo ndi kumaziika izo mu zimenezo, kuchitira kuti... Iwo anadziwa kuti gu—gu—gulu limene ife tiri nalo silikanakwanitsa kuthandizira zonga zimenezo, ndipo chotero iwo azitenga izo kuchokera mmatumba mwawo, kuti akachite izo.

⁵ Chotero ine ndikuganiza zimenezo ndi zopambana, winawake wokhala ndi masomphenya ngati amenewo. Ine ndikukhulupirira zinanenedwa mu Ahebri, mutu wa 11, "Kwa iwo amene dziko lapansi silinali lowayenea." Ndipo nkudzutsa makosi awo panja, mu nthawi imene pamene u—utumiki siuli wotchuka kwambiri pakati pa anthu ambiri amene amayenera kuwukhulupirira iwo. Iwo amene...

⁶ Izo zakambidwa, koma, pamene chinachake chichitika, ndiyi iwo amalephera kuti achiwone icho. Koma izo zikungoyenera kukhala mwanjira imeneyo. Inu—inu mukungoyenera kuwongola mapewa anu ndi kumayenda chitsogolo, ukachidziwa icho. Kumbukirani, inu musanakhalepo, chinali chinthu chomwecho. Iwo ankaguba akutsika mu msewu chimodzimodzi. Anthuwo sanayambe alidziwapo ora lawo la kuchezeredwa. Palibe aliyense wa aneneriwo amene ankadziwika.

⁷ Yesu anati, "Inu mmawaika iwo mmanda. Inu mukukongoletsa manda awo tsopano. Inu ndi amene munawayika iwo mmenemo. Ndi uti amene Mulungu anamutumiza amene inu simunamuzunze ndi kumupha?"

⁸ Tiyenitizitenge izo kuyambira pamene po nkumapitirira. Zinabwera kudutsa kwa Martin Luther, ndi kumadutsa zikutsika, chabwino, Irenaeus, ndi Martin Woyer. Ndipo kudutsa mmibadwo yonse zakhala ziri mwanjira yomweyo, ngakhale kwa Yona... Joan waku Arc, mneneri wamkazi wa Ambuye.

⁹ Ndipo inu anthu a Katolika. Pamene mkazi ameneyo amati akawona masomphenya, ndi zina zotero, ndi kuwauza iwo, iwo ankachitika chimodzimodzi basi monga iye ananenera. Inu munachita chiyani? Inu munamuotcha iye pa nkhusi, kuti anali mfiti. Patadutsa pafupifupi zaka thuu handiredi mtsogolo, inu munadzawuka ndipo munadzazindikira zimene inu munali mutachita. Ndithudi, iwo anachita kudzitunduza, anafukula matupi a ansembe awo amene anamuotcha iye, ndipo

anawaponyera iwo mu mtsinje. Kumeneko ndi kudzitunduza kwakukulu kumene anapanga. Iwo analephera.

¹⁰ Iwo anati Patrick Woyerwa anali wa Roma Katolika. Aliyense amene amadziwa mbiriyakale amadziwa kuti zimenezo nzolakwika. Iye mwamtheradi, molimba, anatsutsana ndi papa. Sankapita nkome kakhala...Iye—iye sankakhulupirira izo nkome. Sucat linali dzina lake; sanali Patrick Woyerwa. Koma iye atafa ndipo atapita, ndipo inu mukupha masauzande a ana ake. Masukulu ake, iye samaloleza kupachika mtanda kapena kalikonse kuti kakhale mu masukulu ake, ndipo zikuchitikabe, kumtunda ku Northern Ireland lero, chinthu chomwecho. Iye—iye samalola kuti zimenezo zilowe mmasukulu ake. Anati, “Anthu aziyang’ana pa zifano, mmalo mwa chimene iye akufuna kuti iwo azichiyang’ana.” Iye anali nayo mphamvu ya Mzimu Woyerwa. Iye ankayankhula mmalirime. Iye anali ndi zozizwitsa ndi zizindikiro zazikulu. Nchifukwa chiyani mpingo sukulalikira zimenezo lero? Mukuona?

¹¹ Ndipo anthu onse awo, iwo samawadziwa iwo mpaka iwo atapita, atafa, kenako ife timayesera kumanga manda awo. Izo ndi zoonadi kuti ife tikukhalamo...

¹² Mpingo nthawizonse umakhala mu kunyezimira kwa kuwala kwa tsiku lina. Ndipo, kenako, kunyezimira ndi kuwala kwabodza. Kunyezimira ndi chiyani? Iko kumakhala ngati kuwala konamizira pa msewu. Dzuwa limawalira pansi ndipo limapanga kuwala konamizira. Zimawoneka ngati madzi, koma, iwo, inu simumawafikira iwo; iwo samakhala. Umo ndi mmene anthu akuchitira lero. Iwo amalonjeza chinachake chimene chiti chidzakhale chosiyana, kapena chinachake chimene chiri cha mmbuyo uko, kapena kumtunda kuno, koma iwo samafika kwa icho.

¹³ Ndine wothokoza kwambiri kuti Mulungu wathu si Mulungu woteroyo. “Iye ali yemweyo dzulo, lero, ndi kwanthawizonse.” Ife timafika kwa izo pamene tikhulupirira izo. Izo ziri pomwepo, chirichonse chimene chinalonjezedwera m’badwo. Zimapangitsa izo kukhala zovuta, komabe ife tikuyenera kumapitabe chitsogolo chimodzimodzi, tikukhulupirira.

¹⁴ Ndipo ndithudi ndikuyamikira ubwino wanu wonse pamene ine ndinali kuno mu mzinda.

¹⁵ Ine ndinabwera kuno zaka zambiri zapitazo ndi mzanga wakale, M’bale Bosworth, ndi Raymond Richey, ndipo abale ambiri amabwera kuno. Ine ndikukhulupirirabe Uthenga womwewo. Ine sindinasinthe mpang’ono pomwe; basi ndikadali chinthu chomwecho. Koma, inu mwaona, chitsitsimutso chinali chikupitirirabe nthawi imeneyo. Ndipo kumene kulibeko chitsitsimutso, inu simungathe kuchita zinthu.

¹⁶ Utumiki wapita patsogolo kwambiri. Izo zinkangokuuzani inu, nthawi imeneyo, kuti izi zikanadzabwera. Ndi angati

akukumbukira zimenezo? Ndithudi, inu mukutero. Ndipo izo zabwera ndendende mmene zinanenedwera kuti zikanadzachitikira.

¹⁷ Kenako ine ndinkawatenga anthu ndi kuyika manja anga pa iwo; ine ndimakuuzani inu zimene Iye amandiua ine, ndipo basi umo ndi mmene izo zinkachitikira. Izo zinkangokhala ndendende basi. Izo sizinkalephera kukhala zonna, nthawi ina iliyonse, chotero izo ziyanera kuti zimachokera kwa Mulungu. Palibe amene angakaikire zimenezo. Koma, inu mwaona, chitsitsimutso sichinayambike.

¹⁸ Kupezeka kwako kokha, kudzalowa ndi anthuwo, bwanji, anthu amakhoza kudzuka pa mabedi awo ndi pa machira, ndi kumayendayenda. Kungoyika manja ako pa iwo, ndipo, mai, zimenezo zimangowapangitsa iwo kumazungulira. Ine ndawonapo mizere imene pamakhala anthu foro ndi faifi handiredi akubwera kudutsa mizere, ogontha, osayankhula, akhungu, a maso opingasa, ndipo palibe mmodzi wa iwo amene amalephera koma amene amachirtsidwa, mmodzi aliyense wa iwo.

¹⁹ Muyesere izo lero. Mwaona, kulibeko moto. Mu Rome, pamene mo—moto ukazima mu kachisi ku Vista, anthu ankapita kwavo. Mukuona? Tsopano kulibeko moto wachitsitsimutso woti uthandizire izo, mwaona, ndizo, ndi zimenezo basi.

²⁰ Pakapita kanthawi, dziko likakhala kuti likuimabe, iwo adzayamba kumakhalanso mu kunyezimira. Mukuona? Ndipo umo ndi momwe nthawizonse izo zakhala zikuchitikira, zinadutsa ndipo zinawaphonya iwo; ndipo kam'badwo kameneko ndi kakuti kadzaweruzidwa chifukwa cha zimene zinawadutsa iwo, iwo analephera kuziwona izo.

²¹ Yesu Khristu ali moyo masana ano. Iye akuyenda yenda kuno limodzi ndi ife tsopano. Iye ndi woopezeka paliponse. “Pamene awiri kapena atatu asonkhana mu Dzina Langa, Ine ndidzakhala pakati pawo.” Mukukhulupirira zimenezo, sichoncho inu? [Osonkhana akuti, “Ameni.”—Mkonzi]

²² Ine ndikudalira, ngati Ambuye achedwa, ine ndidzabwereranso ndi kudzakhala ndi inu nthawi ina, kenanso. Ngati ine sindidzakuwonaninsu inu; pamene ine ndidzakumane nanu uko pa Mpando Wachiweruzo wa Khristu, kumene ife tonse tidzakumane, kumbukirani, ine ndakuuzani inu Choonadi. Ine ndidzakhala ndikunenabe izo ndikadzakumana nanu inu Kumeneko. Kufikira nthawi imeneyo, Ambuye akudalitseni inu, mochuluka.

²³ Muzindipempherera ine. Ine ndikusowa mapemphero anu. Ine sindiri wachichepere monga ine ndinali nthawi imeneyo. Ndi pafupifupi thwelofu, zaka fortini zapitazo.

²⁴ Ndipo winawake anandifunsa ine tsiku lina, anati, “Inu muli ndi zaka zingati, M’bale Branham?”

²⁵ Ine ndinati, “Ndangodutsa kumene twente-faivi.” Ine ndinati, “Zaka twente-faivi zapitazo ine—ine ndinadutsa izo.” Ndipo ine... inu simu... Iwe—iwe ukhoza kudziwa izo. Munthu basi...

²⁶ Pamene iwe wabadwa, iwe umayamba kukula, ngati kandulo, kuti yayatsidwa. Iwe umayatsidwa, koma iwe umakula mpaka utafika pafupifupi twente thuu mpaka twente firii. Ine sindikusamala kuti iwe mwiniwake ukuzisamalira mwabwino bwanji, iwe umayamba kufa pomwepo, ndipo iwe umakhala ukutsikira tsikira mpaka iyo itazima.

²⁷ Ine ndinafunsa, kwa a Kiwanis tsiku lina pamene ine ndinkayankhula, ine ndinati, “Ine ndikufuna winawake...”

²⁸ Dokotala anandiua ine, anati, “Ine sindingakhulupirire nkhani ya Khristu, chifukwa ine sindimakhulupirira kubadwa mwa namwali.” Iye anati, “Ine sindikhulupirira kuti pali chinthu choterocho.”

²⁹ Ine ndinati, “Kubadwa kwa chithupi ndi chozizwitsa kwa ine kuposa kubadwa mwa namwali.”

³⁰ Kubadwa kwa chithupi, kuwona momwe zimachitikira, ndi momwe zimagamulidwira, pamene ilo lapatsidwa umuna, dzira lake liti, pamene pamakhala tinyongolosi masauzande ndi mazira masauzande. Osati awiri oyambirira amene akumanawo, ndiye nkuti zatheka, koma mwinamwake... Inu mukuti, “Chabwino, ngati awiri apatsogolo.” Oh, ayi. Mwaona, izo zimaima. Imodzi mwinamwake imadzuka, nyongolosi ya mmbuyo momwe mwa nyongolosiyo, mbali iyi, ndipo yapakati ya dzira imagamula kuti kaya akhala mtsikana kapena mnyamata, wamutu wakuda, wamutu wofiiira, wa maso a buluu, kapena chirichonse chimene chiti chidzakhale. Chinachake chimapanga chigamulo chimenecho. Zina zonsezoo zimakhala zopanda ntchito.

³¹ Izo zimakhala chozizwitsa kwambiri kuwona ntchito ya Mulungu, ndipo kenako nkuwawona anthu a malingaliro okhala ndi malire, monga ife tirili, akuyesetsa kuti akane ntchito Zake zazikulu!

³² Munthu uyu anati kwa ine, chabwino, iye “sankakhulupirira chirichonse chimene sicingatsimikizidwe mwasayansi.”

Ine ndinati, “Kodi iwe ukukhulupirira kuti uli ndi solo?”

Iye anati, “Ndithudi.”

³³ Ine ndinati, “Ndiye mwasayansi unditsimikizire ine kuti uli nayo.” Ine ndinati, “Iwe—iwe umakhulupirira kuti pali chinthu ngati chikondi?”

Iye anati, “Ndithudi.”

Ine ndinati, “Iwe umamukonda mkazi wako?”

“Eya.”

³⁴ Ine ndinati, “Ndiye iwe undisonyeze ine, mwasayansi, kuti ndi gawo lanji la iwe limene liri chikondi. Ine ndikufuna ndiguleko china. Ine ndipita ku sitolo yamankhwala, kulikonse kumene amagulitsa icho. Ine ndikufuna chochuluka chonse cha icho. Ine ndingakonde nditagulako chikondi china.” Mukuona? A...

³⁵ Chida chonse cha Mulungu ndi chauzimu. Chikondi, chimwemwe, mtendere, kuleza mtima, chifundo, chifatso, chipiriro, ndi Mzimu Woyer. Mukuona? Chida chirichonse cha wokhulupirira ndi kuyang’ana ku Chosawonekacho, kukhulupirira chimene chanenedwa. Mukuona? Iwe sumachiwona chimene ukuchikhulupiriracho. Mukuona? Iwe sutero. Iwe sumachiwona icho, mulimonse. Iwe umachiyang’ana icho, ndi maso ako; iwe umapenya ndi mtima wako. Mukuona? Iwe umayang’ana pa chirichonse, ndikuti, “Ine sindikuchiwona basi icho,” iwe ukutanthauza kuti sukuchimvetsa icho. Mukuona?

³⁶ Chotero ine ndinamufunsa iye ichi, ine ndinati, “Ngati ine ndikanakhala ndi jagi ya madzi, ndipo ine nkuyika kapu apa. Ndipo ine nkumathira madzi kuchokera mu jagi iyi, kuthira mu kapu, ndipo iyo nkudzaza mwatheka; ndipo kenako ine nkumangopitirirabe kumathira madzi, ndipo kenako iwo nkuyamba kumatsikao pansi. Mwasayansi ndiwuzeni ine kumene madziwo akupita.” Mukuona?

³⁷ Ine ndinati, “Pamene ine ndinali mnyamata wamng’ono, usinkhu wa zaka sikisitini, ine ndinkadya chakudyia chomwecho chimene ndikudya lero, nyemba, buledi, mbatata, nyama.” Ine ndinati, “Nthawi iliyonse ine ndikadya, icho chinkachita chiyani? Icho chinkamanga kakhungu ka magazi, ine ndinkakula ndi kukhala wamphamvu, nthawi zonse. Ndipo pamene ine ndinadzafika pafupifupi twente-thuu...Ine ndikumadya zambiri ndi zabwinoko tsopano kuposa mmene ine ndinkachitira nthawi imeneyo, chifukwa ine ndinalibe izo nthawi imeneyo kuti ndizidya, koma ine ndikumadya zambiri ndi zabwinoko kuposa mmene ndinkachitira. Tsopano, ine ndikukalamba ndipo ndikumafooka. Ndipo, komabe, chakudyia chimenecho chikumanga makhungu a magazi. Ine ndikuwonjezera moyo watsopano nthawi zonse, kwinaku n’kumatsikira pansi nthawi zonse.” Izo ndi zakuti zinakonzedweratu. Ife tizikhala nazo izo, zimenezo ndi momwe zimakhalira ndi Mulungu. Uko nkulondola. Ife tizitero.

³⁸ Inu mwasayansi simungamutsimikizire Mulungu. Inu mumangomukhulupirira Mulungu, ndipo inu mumamukhulupirira Iye mogwirizana ndi Mawu Ake.

³⁹ Tsopano, masana ano, ine ndikufuna kuti ndimuthokoze aliyense wa inu. Mlongo wabwino wamng’ono apo pa—pa limba,

uyu apa. Ndi anthu nonse inu, atumiki, mmodzi aliyense wa inu, Ambuye akudalitseni inu.

⁴⁰ Usiku sungakhale wa mdima kwambiri, mvula siingagwe mwamphamvu, koma ine ndingakuthandizeni inu ngati ine ndingathe. Ine ndinkakonda kunena kuti ine ndibwera kwa inu, koma mulipo ambiri tsopano. Izo ndi, ine ndazungulira dziko lonse, inu mwaona, ndipo ndi konsekone. Koma mukhoza kungondiimbira, kapena kundilembera kalata; ine ndidzakutumizirani inu chovala cha pemphero, chirichonse chimene ine ndingathe kuchita, chirichonse mwamtheradi ndi chaulere. Mulibemo ndalama mu izi. Mukuona? A . . .

⁴¹ Ine ndimachita misonkhano yanga chomwechi kuti ine ndizitha kupita kumene iwo alibe ndalama iliyonse. Ine ndinachititsa msonkhano, kuno osati kale kwambiri, mu—kachisi amene anali ndi anthu twente okha, misonkhano ya mausiku awiri. Kunali kovutirako, kutsika pafupifupi teni pansi pa zero, koma Ambuye ananditumiza ine kumeneko ndipo zinthu zazikulu zinachitikako.

⁴² Ine ndiribe—ine ndiribe mapurogramu aakulu, wailesi, televizioni, zinthu zina zonse izi. Abale ena ali nazo zimenezo. Iwo mwinamwake ndi anzeru, amuna aluntha. Iwo amadziwa zochita, ndipo Ambuye akuwapatsa izo. Monga, Oral Roberts, ndi amuna ngati amenewo amene amayenera kukhala ndi masauzande a madola pa tsiku, iye sangachite mwanjira ina iliyonse; ndipo zimenezo zimakhala za chinthu chofunikira. Ndipo izo si za ine.

⁴³ Ine ndinkafuna wanga kuti uzikhala waung'ono ndi wodzichepetsa, kulikonse kumene ine ndingapite, ndi kulikonse kumene Mulungu andiitana ine. Ine sindikhala ndi chondigwira chirichonse ndiye. Ine ndimangonyamuka ndi kumapita kulikonse kumene izo ziri. Umenewo ndiwo utumiki wanga.

⁴⁴ Muzindipempherera ine, kuti Ambuye andithandize ine kusunga Chikhulupiro, ndipo osati ndiziyang'ana mmbuyo; ndiziyang'ana mtsogolo kumene ine ndikupita. Osati kuyang'ana kumene ine ndakhala ndiri; ndiziyang'ana kumene ine ndikupita. "Kuyiwala zinthu zimene ziri zakale, ife tikuményera kuitana kwapamwamba mwa Khristu."

⁴⁵ Ine ndikufuna kuti ndiwerenge zina kuchokera mu Baibulo la Mulungu, lero. Ndinasankha lemba laling'ono chabe, chifukwa ine ndinakuuzani inu kuti ine ndibwera kuno ndi kudzapempherera odwala masana uno. Onse amene ali ndi makadi a pemphero, ndi iwo amene akufuna kuti apemphereredwe, atero. Ife tichita zimenezo. Ndipo ine nthawizonse ndimayesetsa kusunga lonjezo langa.

⁴⁶ Tsopano, winawake, pamene iwe unena zimenezo, amati, "Chabwino, inu munalonjeza kuti mukakhala ku malo enaake."

⁴⁷ Ine sindingakaikire chifukwa kuli malo foro kapena faifi mu United States kuno, ine ndimayenera kukakhalako lero, kumene wina anati ine ndikakhala kumeneko. Ine sindinanene nkomwe kuti ine ndikakhala kumeneko. Koma iwo akunena zimenezo, inu mwaona, anaziika izo mu nyuzipepala. Ndipo iwo amayimba kunyumba, nthawi zonse, “Chabwino, chavuta ndi chiyani?” Amanena kwa mkazi wanga, kapena kwa ena aku ofesi, “Chabwino, iye amayenera kukhala ali kuno. Iwo anamulengezera iye kuno. Chabwino, zolengezazo ziri mu pepala.” Ine sindinadziwe kalikonse ka izo nkomwe. Ine sindingachitire mwina ndi zimenezo. Ine ndimangokhala woyankhira pa zimene ine ndanena, mwiniwake.

⁴⁸ Chotero tsopano, masana ano, ine ndikufuna ife tonse, kenango, ngati ife tingathe, tiime ku kuwerenga kwa Mawu.

⁴⁹ Ndipo ife tiyesetsa kuti tituluke mu pafupifupi ora limodzi lina, Ambuye akalola, kuchitira kuti mudzakhale othekera kukhoza kupita ku tchalitchi usikuuno. Ndipo chifukwa chimene ife timakhala ndi misonkhano iyi Lamlungu masana, timachitira kuti tisamube aliyense ku matchalitchi anu. Anthu amene akufuna kuti apemphereredwe pano, odwala ndi osautsika, chabwino, ife nthawizonse timawapempherera iwo, ndiye izo sizisokoneza msonkhano wanu.

⁵⁰ Ziribe kanthu, zimakhala nthawi zambiri zimene pamakhala munthu amene ine sindima-... Ine sindigwirizana naye, ndipo iwo samagwirizana ndi ine. Koma ngati izo sizingakhale mololerana, ndi pa malingaliro a chiyanjano chabwino ndi zinthu, ndiye ine—ine sindinganene chirichonse cha izo. Ngati ine sindingagwirizane naye munthu, kwambiri chomwecho, ngati ine sindingathe kumukumbatira iye, kuchokera mu mtima mwanga, nkumadziwa kuti iye ndi m'bale wanga, ndiye ine sindiyenera kuti ndiziyankhulana naye iye. Uko nkulondola. Ife tiyenera tizichita zimenezo.

⁵¹ Tsopano inu amene mukufuna kuti mutsegule mu ma Baibulo anu, tsegulani ku Yesaya, mutu wa 6. Ine ndikufuna kuti ndiwerenge kuchokera pamenepo masana ano, kwa msonkhano wotsekera, nditengepo phunziro.

Mu chaka chimene . . . Uziya anafa ine ndinawonanso Ambuye atakhala pa mpando wachifumu, wautali ndipo wokwezedwa mmwamba, ndipo chovala chake chinadzaza mkachisi.

Pamwamba pa izo panali aserafi: aliyense . . . anali ndi mapiko sikisi; awiri anaphimbira nkhopre yake, ndipo awiri anaphimbira mapazi ake, ndipo ndi awiri iye anafulukira.

Ndipo mmodzi anafuula kwa wina, ndipo anati, Woyer, woyer, woyer, ndi AMBUYE Mulungu wa

makamu: dziko lapansi lonse ladzadza ndi ulemelero wake.

Ndipo mphuthu za chitseko zinasuntha pa liwu la iye amene anafulula, ndipo nyumbayo inadzazidwa ndi utsi.

Kenako ine ndinati, Tsoka ndi ine! chifukwa ine ndathedwa; chifukwa ine ndi munthu wa milomo yodetsedwa, ndipo ine ndimakhala pakati pa anthu a milomo yodetsedwa: pakuti maso anga awona Mfumu, AMBUYE wamakamu.

Kenako mmodzi wa aserafi anaulukira kwa ine, ali ndi khala lamoto mdzanja lake, limene iye analitenga ndi zopanira kuchokera pa guwa:

Ndipo iye anadzaika ilo pakamwa panga, ndipo anati, Taona, ili lakhudza milomo yako; ndipo mphulupulu zako zachotsedwapo, ndipo tchimo lako layeretsedwa.

Ine ndinamvanso liwu la Ambuye, likuti, Ine ndituma Ndani, ndipo ndani ati atipitire ife? Kenako ine ndinati, ndime Pano; nditumeni ine.

⁵² Tiyeni tiweramitse mitu yathu.

⁵³ Ambuye wa Chisomo chochuluka, mutenge mawu awa, ndipo mulole kusinkhasinkha kwa mtima wathu tsopano kukhale kovomerezeka kwa Inu. Mulole Mzimu Woyerwa waukulu usunthire mmilomo ya woyankhula ndi mmakutu a womvetsera, kuti pamodzi iwo akabweretse ulema ku Dzina Lanu, kudzera mu Mawu Anu, pakuti ife tikupempha izi kwa ulemelero wa Mulungu. Ameni.

Inu mukhoza kukhala.

⁵⁴ Ine ndiwonetsetsa tsopano, chimene, kuti tithe kukhala ndi nthawi yambiri ya msonkhano wa pemphero. Tsopano mvetsnerani mwatcheru pamene ine ndikuyesetsa, ndi Malemba pang'ono awa ndi zolemba zimene ine ndazilemba apa, kuti ndiziyankhule izo. Nthawizina, ine sindinkakhala wotopa ndi wolema, ine sindiyesera (kumene) nkomwe kulemba Lemba, limene ndikudziwa kuti ndikakhoza kulikumbukira ilo. Koma posakhalitsapa zikumakhala kuti ine basi nthawizina ine ndima... Ine ndimalephera kuliganizira ilo. Chotero ine ndimangolemba izo apa, a—kenakake kakang'ono ngati Lemba linalake, ine ndimadziwa chimene izo zikutanthauza, ndipo ine ndimangopita kuchokera pamenepo kumapita.

⁵⁵ Ine ndikufuna kuti ndiyankhule pa phunziro la: *Chikoka.*

⁵⁶ Tsopano, inu mukudziwa, pamakhala winawake amene inu mukumukopa. Moyo wanu ndi kalata yolembedwa yowerengedwa ndi anthu onse. Chotero, ngati moyo wanu sukugwirizana ndi umboni wanu, kapena umboni wanu sukugwirizana ndi moyo wanu, kani, ndiye kuti pali... inu mukuyika mwala wopunthwitsa pa njira ya munthu winawake,

pakuti munthu winawake akukuwonani inu. Mwana winawake akuwawona amayi ake, akuwawona abambo ake.

⁵⁷ Kuno zaka zingapo zapitazo, ine ndinawerenga kankhani kakang'ono, panthawi ya Khrisimasi, imene inachitika... ndithudi inatenthetsa mtima wanga, inali yachisoni. Pamene a—a—munthu anapita kokayenda, ndipo anali munthu wabwino, iye sank—a—ye sankamwa mowa, kwenikweni. Koma iye—iye anapita kokayenda, panthawi ya Khrisimasi, ndipo amakayendera azimzake, ndipo iwo onse anati kwa iye, anati, "John, imwa pang'ono, chakumwa pang'ono chabe," ndipo nyumba ndi nyumba iye—iye anamwa wochuluka. Ndipo iye ankayenera kuti azibwerera kwavo. Ndipo akudutsa pa bwalo, mwana wake wamng'ono anali naye iye, ndipo iye—iye anathawana ndi mwana wake. Ndipo anapotoloka ndipo anayang'ana, ndipo mwanayo anali akungolowera mbali imodzi ndi imzake. Ndipo abambowo anadikirira mpaka mwanayo anafika kwa iye.

⁵⁸ Iwo anati, "Nchifukwa chiyani iwe ukungoyenda pa bwalo ponsepo, mwana? Nchiyani chikukupangitsa iwe kuti uziyenda chomwecho?"

⁵⁹ Iye anati, "Adadi, ine ndikuyesetsa kuti ndiziyenda mu mphondero zanu." Ndipo uko nkulondola. Mukuona? Wamng'onoyo...

⁶⁰ Bamboyo anamunyamula mwanayo, ndipo anakakhala pansi, anamunyamula mwanayo mmanja mwake. Iye anati, "Mulungu, Inu mundikhululukire ine. Ine ndikufuna ndiziyenda mowongoka, kuti mwana wanga mmbuyomu ayende mowongoka."

⁶¹ Ndipo ndizo zimene ife timafuna tizichita, ngati Akhristu. Ife timafuna tiziyyenda ngati Akhristu, kumakhala moyo ngati Akhristu, kumayankhula ngati Akhristu.

⁶² Zaka zambiri zapitazo, pamene iwo ankakhala ndi akapolo Kummwera, iwo akumusi, Kentucky ndi Alabama, ndi kumusi kumene ine ndimachokerako. Iwo ankakonda kuwatenga achikuda ndi kukawagulitsa iwo, ku—kumalo ogulitsira, chimodzimodzi monga mmene mukanachitira ndi magalimoto akale kapena chinachake. Ine ndimakhulupirira kuti palibe munthu amene amayenera kukhala kapolo. "Mulungu anampanga munthu, ndipo munthu anapanga akapolo." Ndipo iwo ankabwera kumeneko kuti adzagule iwo, chimodzimodzi monga mmene inu mungagulire galimoto yoti inagwira kale ntchito, kutenga lisiti logulira, ndi zina zotero. Icho chimakhala chinthu chowopsyta.

⁶³ Chotero iwo...tsiku lina, panali wogula amene anabwera kuti...wa zamalonda, kwa...ku munda wakale umene unali ndi akapolo ambiri. Ndipo iye anati, "Inu muli ndi akapolo angati?"

“Oh,” anati, “pafupifupi handiredi ndi fifite kunja uko, ine ndikuganiza.”

Anati, “Kodi ine ndingapiteko ndi kukawawona iwo?”

Iye anati, “Ndithudi, zithandizeni nokha.”

⁶⁴ Chotero iye anapita kukawawona a—akapolowo. Ndipo pamene iye anayang’ana kumeneko, iye anawazindikira anthuwo, nthawizonse iwo amakhala okhumudwa. Iwo, Mabuno, amawabweretsa iwo kuchokera ku Afrika ndipo amakawasiya iwo ku Cuba kutchire uko, ndipo kenako amawatumiza iwo kuno Kummwera ndipo amadzawagulitsa iwo ngati akapolo. Ndipo iwo ankadziwa kuti sadzabwereranso kwavo. Iwo ankadziwa kuti sadzawawonanso abambo awo ndi amayi, kenanso, kapena ana awo, amuna, akazi, ndi zina zotero. Iwo anali—iwo amakhala ovutika chifukwa cha zochitika zimene iwo sanazipange iwowo. Ndipo apa iwo anali, kutali ndi kwavo, ndiponso achisoni. Ndipo nthawizina iwo ankachita kutenga zikwapu ndi kumawakwapula iwo, monga mmene iwo amachitira ndi chinyama, ng’ombe, ndi ng’ombe za ngolo, akavalo, ndi zinthu, ndipo akatero iwo—iwo amawapangitsa iwo kumagwira ntchito.

⁶⁵ Ndipo uyu, iwo anamuwona, wogula wamng’ono uyu anawona kuti kunali mmodzi wa akapolo aang’ono amenewo amene iwo sankachita kumukwapula. Mai, iye amadzutsa chibwano chake mmwamba, mapewa ake mmbuyo, ndipo ndithudi nthawizonse iye amakhala wolimbikira. Iwo sankachita kusowa kuchita chirichonse kwa iye. [M’bale Branham akukhwatchesa chala chake—Mkonzi] Iye ankagwira ntchitoyo. Chotero mwini wa akapolowo anati... Wogulayo anati kwa mwini uyu, anati, “Ine ndikufuna kuti ndigule kapolo ameneyo.”

Iye anati, “Oh, ayi.” Anati, “Iye si wamalonda.”

⁶⁶ Iye anati, “Chabwino, nchifukwa chiyani kuti iye si wamalonda?” Anati, “Wati chiyani,” anati, “iwe umantani... Chimampangitsa n’chiyani kuti akhale chomwecho?” Anati, “Kodi iye ndi bwana wa ena onsewo?”

Anati, “Oh, ayi. Iye ndi kapolo.”

Anati, “Kodi inu mumamudyetsa iye mosiyana ndi mmene mumachitira ndi ena onse a iwo?”

⁶⁷ Iye anati, “Ayi, iwo onse amakadya mu ngalande, limodzi.” Anati, “Iye ndi kapolo basi.”

⁶⁸ Iye anati, “Chabwino, chimamupangitsa iye kuti azichita mosiyana ndi ena onsewo ndi chiyani?”

⁶⁹ Anati, “Iwe ukudziwa, ine nthawizonse ndinkadabwa zimenezo, nanenso, mpaka ine ndinadzapeza kuti kwavo, ku Afrika kumene iwo amachokerako, abambo ake ndi mfumu ya mtundu. Ndipo, komabe, iye ndi mlendo, ali kutali ndi kwavo,

koma iye amadziwa kuti iye ndi mwana wa mfumu, ndipo iye amachita chomwecho.” Oh, mai!

⁷⁰ Kodi Akhristu akuyenera kuchita chiyani? Ndife ana aamuna ndi aakazi a Mfumu. Ngakhale ife tiri alendo, tiyeni tizichita ngati ana aamuna ndi aakazi. Amayi, lisiyeni tsitsi lanu lizikula. Musiye kuvala zovala zimene munkavala, zopanda khalidwe ndi zinthu. Amuna, mubwerere kumene mwamuna akuyenera kumakhala. Musati... Muzichita ngati ana aamuna ndi aakazi a Mulungu. Ndinu mlendo kuno, koma, kumbukirani, ife ndi ana a Mfumu.

⁷¹ Taonani chikoka chimene mwamunayo anali nacho pa onse a iwo, khalidwe lake linkapangitsa ziyembekezo za onsewo kukhala zapamwamba.

⁷² Ife tikupeza kuti mfumu iyi, Uziya, anali mnyamata wolishya ng’ombe mmasiku a Yesaya, mneneri. Yesaya anali mneneri.

⁷³ Aneneri amabadwa. Iwo sikuti amangosanjika manja pa iwo, ndi kuwapanga iwo kuti akhale aneneri. Iwo amabadwa, atadzodzedweratu ndi Mulungu. “Mphatso ndi maitanidwe sizimasowa kulapa.” Pali a—mphatso ya uneneri mu mpingo, ndipo iyo imayenera kuweruzidwa ndi anthu atatu liwulo lisanamveke nkomwe pakati pa osonkhana, koma imeneyo imangokhala mphatso ya uneneri basi. Koma mneneri mwamtheradi amadzodzedwa ndi PAKUTI ATERO AMBUYE, kuyambira ali mwana mpaka kumakula.

⁷⁴ Ndipo Yesaya anali mneneri wa Ambuye, ndipo iye anali atatengedwera ku kachisi. Ndipo iye anali... Uziya uyu, mnyamata wolishya ng’ombe waming’ono uyu, anali a—chikoka chachikulu pa mneneri wamng’ono uyu. Chifukwa, Uziya, mu Thuu Mbiri 26, amatiuza ife kuti iye anakhala mfumu ya Israeli pamene iye anali ndi usinkhu wa zaka sikisitini zokha. Abambo ake Amaziya anamwalira, ndipo iye anadzatenga malo ake, kuti azilamulira, monga momwe unkakhalira mwambo wake kuti a—mwana wamwamuna ankatenga u—ufumu. Ndipo anamutenga ndipo anamupanga iye kukhala mfumu pamene iye anali wa usinkhu wa zaka sikisitini. Ndipo abambo ake, a Uziya... Amaziya anali—analı mwamuna wopambana. Iye anali a—a—mwamuna waumulungu. Ndipo pokhala ndi kholo la umulungu ili, chabwino, icho chinamupangitsa iye kumachita zinthu zimene zinali zolondola, chifukwa iye anakopedwa ndi abambo ake. Mukuona?

⁷⁵ Lero, inu mungayembekezere bwanji kuti sitikhala ndi a Oswald ndi Jack Ruby ambiri. Tayang’anani pa... Ine ndinachoka ku motelo yanga, kanthawi kapitako, ndipo uve woledzera chomwecho wa gulu la ku California ali kunja uko, atagona kumeneko, akazi amenewo atadzivula maliseche pamenepo, ali kunja uko atangovala lamba wamng’ono atamuzungulirtsia pa iwo, kapena chinachake chimzake,

kunja uko. Ndipo mwamuna akumwa kachasu pa—pa ayezi ndi zinthu, ndi kumapitirira, kumadziponyera pa madziwe. Inu mungayembekezere zotani pa ana awo, aang'ono awo uko panja, akusewera, sangakhale chinachake koma Oswald kapena chinachake ngati chimenecho? Ndi chikoka chimene chikuikidwa pamaso pavo.

⁷⁶ Oh, America wavunda mpaka mkgati. Iye adzakolola chimene wabzala. Mulungu wolungama sangamulole iye azipitirira ndi china chirichonse.

Inu mukuti, “Kodi inu ndi Am- . . .”

⁷⁷ Ine, ndithudi, ndine wachi America. Mminda, ku Germany ndi Japan, kuli manda Achimerica onse analembedwapo—onse kumeneko, anthu anga, achi Branham. Ndipo ngati ine ndingati ndipite, ine ndikhoza kuperekera moyo wanga zimenezo.

⁷⁸ Koma ndiloleni ine ndikuuzeni inu chinachake. Ife tikusowa kukondoweza, dziko lino likutero. Zinthu zimene ife tinali nazo nthawi ina, ife tazitaya, ndipo ife tikuyesetsa kumakhala pa kutchuka kwa chimene winawake anachita. Ife tidzakolola chifukwa cha izo. Mulungu anampanga Israeli, anthu apa mtima Wake womwe; Iye anawapanga iwo kuti akolole. Ndipo ife tidzakolola, nafenso, chifukwa cha zimene ife tikuchita. Ife tiribe kalikonse patsogolo pathu, koma kukolola. Ife tadutsa mzere wa chisomo ndi chifundo, ndipo palibe chatsala koma kukolola. Mulembe zimenezo mma'Baibulo anu. Ndine bambo wokalamba. Koma inu mulembe zimenezo ndipo mudzapeze ngati zimenezo si zoonaa kapena ayi. Mwinamwake pamene ine ndidzakhale nditapita, ndi kumapitirira ndi kupidirira, inu mudzapeza kuti mawu amenewo ndi owona. Ife tidzazipeza izo. Ife tayezedwa pa muyezo ndipo tapezeka operewera, ndipo palibe njira yothawirapo. Uko nkulondola. Ife tadutsa mzere umenewo. Iwe umayenera kukolola zimene iwe wabzala, nthawi iliyonse.

⁷⁹ Chotero mynamata wamng'ono uyu anali chikoka chotero pa uyu, mfumu yaing'ono inali chikoka pa—pa mneneri wamng'ono. Ndipo iye ankatsamira pa nkono wa mneneri uyu, chifukwa chakuti iye—iye ankadziwa kuti iye anali mneneri. Ndipo iye ankakhala naye iye nthawi zonse, ndipo kuti—kuti atenge chikoka chake kuchokera ku masomphenya ake, ndi zina zotero, kuchokera kwa Mulungu, kuti adziwe mmene angamayendetsere ufumu wake.

⁸⁰ Ndipo izo zinamupanga iye kukhala mwamuna wopambana. Iye sanasamale ndale za tsiku limenelo, ndi maganizo otchuka, ndipo ankamutumikira Mulungu ndi mtima woona. Ameneyo ndiye mtundu wa purezidenti amene ife tikumusowa. Ameneyo ndiye mtundu wa m—mtsogoleri amene ife timamusowa pa anthu a fuko lirilonse, kulikonse. Ufumu wake unali woyandikana ndi wa Solomoni. Kunalibeko kalikonse . . .

Mulungu ankangomudalitsa iye ndipo sanamubisire mdalitso uliwonse, chifukwa iye ankatumutumikira Iye.

⁸¹ Ndipo ili linali thandizo lalikulu kwa Yesaya wamng'ono, chifukwa iye ankawona mmene Mulungu ankawadalitsira iwo amene anali owona ku Mawu Ake. Ziribe kanthu kuti izo zinali zovuta bwanji, ankakhala owona ku Mawu amenewo. Ndipo icho ndi chitsanzo lero, aponso, kwa ife, kuti tizikhala owona ku Mawu. Ndipo izo zinali ndi chikoka chachikulu pa iye.

⁸² Tsopano, iye anabzala minda ya mpesa, ndipo iye anali wolishya ziweto, ndipo iye anali ndi mitundu yonse ya ziweto ndi minda ya mpesa. Ngati inu mukufuna kuwerenga, mu Thuu Mbiri 26 pameneopo, ndi malo osiyanasiyana a Lemba, amene amayankhula za—za Uziya. Iye anali mwamuna wopambana. Iye—iye ankakonda panja, ndipo, munthu wabwino choteroyo! Mulungu ankadalitsa chirichonse chimene iye ankachita. Izо zinkamuyendera ndipo zinkangopitirira. Ndipo palibe mafuko ankamuvutitsa iye. Iwo ankamuwopa iye, ndipo chifukwa iye ankatumutumikira Ambuye Mulungu amene amakhala ndi iye; osati chifukwa chakuti iwo ankawopa gulu lake la nkhondo, koma iwo ankawopa Mulungu amene iye ankatumutumikirayo.

⁸³ Chimenecho chikuyenera kukhala chikumbutso chathu. “Mulungu wathu amene ife timamudalira,” zimalankhula pa madolla athu, koma ine ndimadabwa nthawizina.

⁸⁴ Tsopano, koma zonzezi zinkachitika, ndipo izo zikuwonetsira chitsanzo apa. Ine ndikufuna kuti nditenge kuchokera apa, masana ano, kuti ndiwonetsere mmene Mulungu angamudalitsire munthu ndi—ndi kumupanga iye mwamuna wopambana. Koma, inu mukudziwa, pamene mfumu iyи inali... anamverera kutetezeka, anamverera kuti wafika pamalo amene—amene iye anali wozikika mwamtheradi, ndipo panalibepo njira iliyonse yoti iye angadzagwe, anadzikweza ndi kunyada. Pameneopo ndi pamene iye anaphidikuka. Pameneopo ndi pamene munthu aliyense amaphidikukira.

⁸⁵ Ine ndikuganiza limenelo ndiro vuto ndi anthu athu ambiri lero, ife timadzikweza mmwamba. Ine ndikuganiza zimenezo ndi zimene zimayambitsa mabungwe kuti azichita zimene iwo akupanga. Iwo amapeza gulu labwinoko, la chimene iwo amachitcha, “laluntha kwambiri, gulu labwinoko la anthu,” iwo amaganiza chomwecho. Munthu, awo ma-... atumiki awo onse a sukulu yapamwamba ndi maphunziro aku koleji, zaka ziwiri kapena zitatu za kuwerenga maganizo, kuwayeza maganizo awo ndi mafunde a ubongo, ndi chirichonse, kuti awone ngati akukwanira pa nkhaniyo, ndipo nthawizina osadziwa zochuluka za Mulungu kuposa mmene kalulu amadziwira nsapato za chipale. Uko nkulondola. Kulondola. Kuganiza kumeneko kulibe kanthu kochita ndi zimenezo. Iyo imakhala mphamvu ya Mzimu Woyer. Izо sizimakhala mmalingaliro ako;

izo zimakhala mu mtima mwako. Kulondola. Koma, mwaona, ife timapeza... Kenako iwo amadzikweza, "Athu, ife timapita ku tchalitchi chapamwamba mu tauni muno. Ife ndi a mpingo woyambirira. Ife timapita kumene ameya amapita. Ife ndi a ichi."

⁸⁶ Ndi zinthu zonsezi pamenepo, mwaona, chimene izo ziri, ndiye anthu samaima nkomwe kuti amvetsere Izo. Iwo amangoganiza kuti ndiwe basi—munthu wowopsya. Koma, chimene icho chiri, alibe malo oti Mbewu izikikepo. Alibe kanthu koti Iyo idzagonepo; pangokhala thanthwe. Iyo siingamere nkomwe. "Mbalame zimauluka pamwamba ndipo zimadzaitola Iyo," Baibulo linatero.

⁸⁷ Koma pamene mfumu iyi inadzikweza, ndi kumamverera kutetezeka, iye anadzikweza ndi kunyada.

⁸⁸ Ine ndazindikirapo, nthawi zambiri, ife timapeza ngakhale anthu, avangeri, amafika pamalo amene ambiri a iwo anenedwapo zinthu, ndipo mwinamwake zina za izo zimakhala zoona, za kumwa, ndi zina zotero. Chimene izo ziri, ine ndikuganiza iwo amadzimangira ufumu wawung'ono mowazungulira iwo, ndipo amaganiza kuti anthu amenewo amawakonda bwino iwo, sizingattheke konse kuti a... Anthu amenewo, iwo akhoza kupanga chirichonse chimene iwo akufuna, ndipo, "Anthu amenewo sazilabadira izo."

⁸⁹ Anthu akhoza, koma nanga bwanji Mulungu? Pamene po ndi pamene ife timalephera kuti tiwone. Ndi Mulungu Amene amayang'ana. Mukuona? Mulungu amadziwa izo. Pamene inu muwona Choonadi ndi Kuwala, ndi kuzikana Izo, Mulungu amadziwa chimene inu mwachita. Inu simudzapita patsogolo mpaka inu mutadzabwerera pa malo amenewo kenanso. Inu simungazidumphe zimenezo. Inu mukuyenera kubwerera pamene inu munasiira.

⁹⁰ Iye anadzikweza kwambiri mmalingaliro ake, ndipo—ndipo anadziteteza yekha ndi chirichonse, mochuluka kwambiri, mpaka iye anayesa kuti atenge malo a mtumiki. Iye anayesetsa kukalowa ndi kukaperekwa lubano, monga ife timadziwira mu Baibulo, kukawotcha lubano, zimene zinali za m'Levi yekha kuti azichita zimenezo, wansembe yemwe anadzodzedwera ntchito imeneyo. Iye anayesetsa kuti atenge malo ake.

⁹¹ Ndipo apa ife tiri ndi chikoka cha mfumu iyi, kuwapangitsa anthu kuti adziwe kuti kutsanzirana wina ndi mzake kwa chithupithupi uku, lero, si za Ambuye. Inu simunadzodzedwere zinthu zimenezo. Inu simudzatenga malo a munthu wina, ndipo munthu wina sangatenge malo anu. Mupeze pamene pali malo anu ndipo mukhale pamenepo. Mukuona?

⁹² Iye anaganiza, "Chabwino, tsopano ine... Mulungu adalitsike, ndine mfumu, ndipo Ambuye wakhala wabwino kwa ine. Ine ndikhoza kuchita *ichi*. Ine ndiri ndi *ichi*.

Uwu ndi utumiki wanga." Ndipo anadzapeza, zimenezo, pamene ankapatirira monga chomwecho, ndi kumayesetsa kumawalambala, ndi kuwapondereza malo amene Mulungu ankamudalitsirapo.

Ngati iwe uli membala wamba wabwino, khala membala wamba wabwino.

⁹³ Ngati iwe uli mkazi wapanyumba wabwino, ngati Mulungu wakudalitsa iwe ngati mkazi wapanyumba ndipo wakupanga iwe wokhulupirika ndi woona, mlongo, iwe uzingopitirira kukhala chomwecho. Musamaganize, inu, Mulungu anakuitanani inu kuti mudzakhale mlatiki, kapena—kapena dikoni, kapena chinachakenso.

⁹⁴ Ndipo—ndipo inu muzichita chimodzimodzi, abambo. Paliponse pamene Mulungu wakudalitsirani inu, mudzikhala pomwepo, chifukwa pamene po ndi pamene Iye wakuikanipo inu. Inu muzichita basi zimene Iye akukuuzani inu kuti muzichita, ndipo muziwona pamene Iye akukudalitsirani inu.

⁹⁵ Koma, musamayesere kulowererapo, izo—izo ndi zoyambirira za Pentekoste. Pamene akazi a McPherson... Pamene ine ndinkawerenga bukhu lawo, ine sindinati... Ine sindinali mtumiki mmasiku ake. Ndipo iwo anati, "Pamene iye akuchoka pa nsanja ndi izi, zokhala ngati mapiko, inu mukudziwa," kapena, inu mukudziwa, zokhala ngati mwinjiro monga choncho, "mlatiki wamkazi aliyense ankavala chinthu chomwe chomwecho. Aliyense wa iwo ankanyamula Baibulo chimodzimodzi ngati akazi a McPherson."

⁹⁶ Kodi inu munayamba mwamvetserapo mapurogramu apa wailesi awa? Munthu aliyense, "Ambuye akudalitse iwe, mwabwino kwenikweni, mnyamata," ka Billy Graham. Iko ndikutsanzira kwa chithupithupi.

⁹⁷ Ine ndinali kuwerenga a—mbiriyakale ya Martin Luther. Ndipo mbiriyakaleyo inati, "Sikuti chinali chozizwitsa chachikulu kuti Martin Luther amatha kutsutsa mpingo wa Katolika ndi kumapitirira nazo izo, koma kudzutsa mutu wake pamwamba pa kutengeka konse kumene kunatsatira chitsitsimutso chake." Uko nkulondola.

⁹⁸ Muzikhala woyerwa ndi wosadzibisa, ku maitanidwe anu. Muzikhala ndi Mawu a Mulungu ndipo musamathamangire chirichonse. Ndipo muzikhala, muzikhazikika mu maitanidwe anu. Ngati Iye anakupatsani ntchito kunja uko, ngati mlimi, kalimeni bwino. Mulungu akakudalitsani inu kumeneko, ndipo muziperekwa chakhumi chanu ndi chirichonse chimene icho chiri, zoperekwa zanu, kuti zizithandizira utumiki kupita patsogolo. Ngati Iye anapanga makaniko mwa inu, ndipo akukudalitsani inu mu ntchito imeneyo, mukhale nayo iyo ndi kumamuthokoza Iye chifukwa cha iyo. Mukuona? Inu muzingokhala kumene Mulungu wakuitanirani inu.

⁹⁹ Ife tikupeza apa chikoka. Ndipo kenako pamene iye anadzayesedwa kuti akonzedwe, mtumiki anamuthamangira iye, ndipo anati, "Kuti! Dikirani miniti! Inu simunaitanidwire zimenezo." Oh, kodi iye anakwiya! Bwanji, iye anali wokonzeka kuti adulidwe mutu wake.

¹⁰⁰ Mwaona, pali chinthu china chimene ife tikuyenera kuchidziwa. Ziribe kanthu ndi mochuluka bwANJI mmene Mulungu wakudalitsirani inu, inu mulibe ufulu womudzudzula wodzozedwa wa Ambuye, kapena kunena chirichonse chowatsutsa iwo. Uko nkulondola. Mulungu ndi Amene amasamalira zimenezo. Iwo akasowekeRA kudzudzulidwa kulikonse, amenewo ndi ana Ake, inu muwasiye iwo okha. Inu simukuyenera kuti muchite zimenezo. Mukuona?

¹⁰¹ Ndipo pamene iwe—iwe ukawauza anthu za machimo awo, ndi kuwauza iwo kuti akulakwitsa, "Chokaniko! Musayesere kupaTA Kumwamba pa kachitidwe ka bungwe kapena chinachake." Mai, kalanga, iwo akhoza, iwo a...Iwo amafuna kuphulika. Iwo amatero. Iwo amafuna akupezere chifukwa iwepy; iwo sa—iwo samakhala nkomwe pansi kuti akumvetsera iwe; amadzuka ndi kuchokapo, ndipo mwakhalidwe loyipa, ndipo amangochita mulimonse. Inu mwaona, zimenezo zimawonetsera, kuyamba ndi kuyamba, analeledwa udyo, makhalidwe akwawo. Ndithudi zimatero.

¹⁰² Koma ife tikupeza kuti munthu uyu anali atatenga chikhaliDwe ichi pochita chinthu chimene iye anachita. Chinachitika ndi chiyani kwa iye? Ambuye anamukantha iye ndi khate, pomwe apo mchipindamo. Ndipo khate limaimira chiyani? Tchimo, kusakhulupirira. Palibepo tchimo lina koma kusakhulupirira. "Iye amene sakhlupirira ndi wotsutsidwa kale." Ndipo tchimo ndi kusakhulupirira kokhako kumene kulipo.

¹⁰³ Ine ndinali kulalikira nthawi ina mu mpingo wa Methodisti, ndipo ine ndinati, "Kusuta ndudu si tchimo. Kuchita chigololo si tchimo. Kutenga Dzina la Ambuye si tchimo."

¹⁰⁴ Izo zinamukulira mlongo mmodzi; iye anadzuka, anati, "Ndikupempha mundiuze ine, Abusa a Branham, tchimo ndi chiyani?"

Ine ndinati, "Kusakhulupirira."

¹⁰⁵ Inu mumapanga zinthu zimenezo chifukwa chakuti inu simukukhulupirira. Ndizo ndendende. Chifukwa chimene inu mumakana kuyenda mu Kuwala kwa Mawu ndi chifukwa chakuti inu simunakhulupire Mawu. Zimenezo zimakupangani inu kukhala wosakhulupirira.

¹⁰⁶ Munthu anati kwa ine, anati, "Ine sindingasamale kuti ndi zochitika zingati zimene inu mungandisonyeze, ndi zochitika zingati zimene adokotala angandisonyeze, za machiritso

osiyanasiyana," anati, "Ine sindimakhulupirira mu machiritso. Izo siziri chomwecho."

¹⁰⁷ Ine ndinati, "Ndithudi, izo sizinatumizidwe kwa osakhulupirira. Izo zimangotumizidwa kwa iwo amene amakhulupirira."

¹⁰⁸ Izo ndi za okhulupirira okha. Iye anati, "Iye amene akhulupirira, zinthu zonse ndi zotheka," osati iye amene sakhulupirira.

¹⁰⁹ Ndipo kachidutswa kamodzi ka kusakhulupirira kutsutsana ndi Mawu a Mulungu, ndipo inu mudzakakhala kunja kwa Ufumu wa Kumwamba. Izo zinamupititsa Eva panja. Izo zinayambitsa mavuto onsewa, kamodzi kungowapotoza Mawuwo pang'ono pokha. Iwe umayenera uzikhala mowongoka ndi Iwo, chimene Iwo akunena.

¹¹⁰ Tsopano ife tikupeza kuti, munthu uyu anayamba mwano ndi kumadzitukumula, ndipo nkhopo yake inafiira, ndipo anapotoloka ndi kuwauza ansembe awo, ndipo, chinthu choyamba inu mukudziwa, iye anadwala khate. Pomwe apo mu mkwiyo wake, iye anakanthidwa. Iye sanazilambalale izo. Chiyani? Kusakhulupirira Mawu a Mulungu amene ankayesera kuti anenedwe kwa iye.

¹¹¹ Ndi chimenecho chitsanzo chenicheni mu zimenezo. Zindikirani. Iye anali... Iye sanakhulupirire, ndipo, mu mkwiyo wake, iye anakanthidwa ndi khate; ndipo anafa, ali mnyumba mwake momwe, sanaloedwe kuti akalowe nkomwe mu ufumu, malo a mfumu. Mwana wake anadzatenga malo ake ndipo—ndipo anathandizira mopambana momwe iye akanathera, ndipo iye anasiidwa chomwecho kufikira iye anafa. Tsopano, inu mwaona, iye sanachire.

¹¹² Yesu anati, "Mawu amodzi kutsutsa Iwo sizidzakhululukidwa nkomwe," Mawu, "kaya mu dziko lino kapena mdziko limene liri nkudza." Ndi zosakhululukidwa. Chotero inu mukuona chifukwa chimene dziko lakonzekera chiweruzo? Avangeri aakulu ndi zinthu amene adzadzitsa dziko lapansi ndi Uthenga, akumasekedwa, akuseleulidwa, china chirichonse. Palibepo chirichonse chimene chatsalira. Palibepo njira yakuti izo zidzabwereranso. Iwo achitira mwano Mzimu Woyeria, ndipo awuselewula Iwo, ndi china chirichonse. Ndipo atero... Ndipo, iwo, palibepo njira yakuti izo zidzabwereranso. Izo zikuyenera kulipiridwa. Palibepo njira yotulukira kwa izo. Mulungu ndi wolungama; izo zingakhale motsutsana ndi chirungamo Chake, kutsutsana ndi Wake—Wake—Umunthu Wake, chimene Iye ali. Ndipo tsopano izo zikuyenera kulipiridwa.

¹¹³ Chotero mfumu iyi, zinalibe kanthu kuti Mulungu ankamukonda chotani iye, kuti anali mwamuna wopambana bwanji, anali ndi madigrii ochuluka bwanji, komabe iye

analakwitsa ndipo iye ankayenera kuti akolole zimene anabzalazo. Ndipo munthu aliyense adzayenera kuchita zimenezo.

¹¹⁴ Zitatero linadzakhala phunziro kwa mneneri wamng'onoyo. Zitatero linadzakhala phunziro lenileni! Mwa ichi, Yesaya anaphunzira kuti Mulungu amamulamulira munthu Wake kuti apite ku malo ake, Iyemwini. Osati zimene winawake walamlulira. Mulungu amamulamulira munthu Wake kuti apite ku ntchitoyo, tsopano, amamulamulira iye kupita ku malo ake. Iye samayenera kuti aziyesa kumatenga malo a wina.

¹¹⁵ Masomphenya, chinthucho chinali chachikulu kwambiri mpaka chinamupititsa mneneri uyu ku kachisi, kukapemphera.

¹¹⁶ Ine ndikudabwa, lero, ngati ife titawona imfa ya mipingo, kuwona ku—kufa kwa anthu, akuchoka mu Mzimu, akubwerera mmbuyo ndi kumakatumikira tizikhulupiriro tawo, ngati izo sizikuyenera kuwapititsa okhulupirira pa mawondo awo.

¹¹⁷ Izo zinamupangitsa wokhulupirira weniweni, wokhulupirira wodzodzedwa, Yesaya mneneri, kukagwada pa mawondo ake. Iye anapita ku kachisi, ndipo kumeneko iye anakayamba kupemphera.

¹¹⁸ Ndipo, ali mu kachisi, iye anamuwona Mulungu ali pa mpando wachifumu Wake, atakwezedwa mmwamba. Mulungu anali woti amuwonetsa iye choti azichiyang'ana. Osati kuwonana pa wina ndi mzake; kuyang'ana mmwamba umo kwa chimene Iye ali, chimene, Iye anakwezedwa mmwamba pa mpando Wake wachifumu.

¹¹⁹ Awoneni Aserafi Akumwamba ali ndi zophimba pa nkhopo Zawo. Tsopano, Aserafi ndi ofukiza nsembe, limene liri limodzi la madongosolo apamwamba kwambiri la Angelo. Iwo ndi otsatira kwa Akerubi. Pamene po panali Angelo, ndipo kenako Aserafi, ndipo kenako Akerubi. Ndipo Aserafi kwenikweni ndi ofukiza nsembe, akukonza njira yakuti wochimwa afikireko, dongosolo lapamwamba kwenikweni la chiyero mu kachisi wa Mulungu.

¹²⁰ Ndipo iye anawona, pamene iye anali pansi pa guwa, akupemphera, "Ambuye, ndine munthu wa milomo yodetsedwa, ndipo ndimakhala pakati pa anthu odetsedwa." Ndipo iye anali akupanga kuvomereza kwake.

¹²¹ Ndipo pamene iye anatero, iye anayang'ana mmwamba ndipo anawawona Aserafi awa. Iwo anali ndi mapiko awiri pa nkhopo Zawo, ndi mapiko awiri pa mapazi Awo, ndipo anali kuwuluka ndi mapiko awiri, akufuula, "Woyera, woyera, woyera ndi Ambuye Mulungu Wamphamvuzonse! Woyera, woyera, woyera, zonse za Mulungu ndi zoyer! Woyera, woyera, woyera ndi Ambuye Mulungu Wamphamvuzonse!"

¹²² Tiyen'i tiyang'ane pa masomphenya amene mneneri anawawona, ndipo tiwamasule iwo. Mapiko awiri amaphimbira nkhopo zawo. Taganizani za zimenezo, ngakhale Angelo oyera ankachita kubisa nkhopo Zawo zosachimwa, kuti akayime mu Kukhalapo kwa Mulungu. Anapatsidwa mapiko kuti adzimphimbira nkhopo Yawo, mu Kukhalapo kwa Mulungu woyer! Kodi inu ndi ine tidzakaima chotani Kumeneko, ngati Aserafi amagwiritsa ntchito mapiko, njira yoperekedwa ndi Mulungu kuti azibisa nkhopo Zawo, kuti akayime mu Kukhalapo Kwake, kuti azikayimba, "Woyer, woyer, woyer" ndi Ambuye Mulungu Wamphamvuzonse"? Ulemu mu Kukhalapo Kwake!

¹²³ Tsopano ife sitikumakhala ndi ulemu uliwonse kwa Mulungu. Aliyense amangoganiza kuti ndi wotetezeka kwambiri, mpaka iwo—iwo sama—iwo samamupatsa ulemu Mulungu monga iwo amayenera kuti azichitira. Bwanji? Nchifukwa chiyani iwo amachita zimenezi? Chifukwa chakuti iwo samazindikira Kukhalapo Kwake. Ndi chifukwa chake anthu amachita zimenezo. Iwo, iwo samakuzindikira Iko. Iwo sangakwanitse, iwo sangathe kumvetsa kuti ali mu Kukhalapo kwa Mulungu. Malingaliro awo apotozedwa kwambiri ndipo atengeka mu zinthu za mdziko lapansi, mpaka iwo sakulabadira nkomwe Iko. Iwo amapita ku tchalitchi, ndithudi. Koma kuti uzindikire kuti uli mu Kukhalapo kwa Mulungu! Osati mu tchalitchi mokha; kulikonse kumene iwe uli, iwe umakhala mu Kukhalapo kwa Mulungu.

¹²⁴ Ngati iwo akanamachita monga mmene Davide ananenera, "Ine ndimawayika Ambuye nthawizonse patsogolo panga, chotero ine sindidzasunthidwa." Nthawizonse pamene Ambuye amakhala patsogolo pake, iye samasunthidwa.

¹²⁵ Ndipo ofukiza nsembe Akumwamba awa okhala ndi mapiko pa nkhopo Zawo, ndi kumafuula, "Woyer, woyer, woyer," kuti akayime mu Kukhalapo kwa Mulungu, chingachitike ndi chiyani kwa anthu ochimwa amene samamupatsa ulemu Mulungu?

¹²⁶ Inu mukuti, "Chabwino, M'bale Branham, inu mwangonena kumene kuti Iwo anapatsidwa mapiko awiri."

¹²⁷ Ndipo inu munapatsidwa chinachake, nanunso, Magazi a Yesu Khristu. Amenewo ndiwo chophimba chanu. Mwakuti, inu simumaima ngati Aserafi, inu simumaima monga Akerubi, inu simumaima ngati Mngelo. Koma, inu mumaima ngati mwana wamwamuna kapena wamkazi wa Mulungu wowomboledwa, ndi Magazi awa. Inu simumasowa kukhala ndi mapiko awa amene Iwo anali nawo. Iwo ndi chophimba chapadera kwa Iwo pamene ali mu Kukhalapo kumeneko. Koma inu muli ndi Magazi a Yesu Khristu ngati chophimba, kuti mukaime Pamenepe. Tsopano motani... Tsopano, inu, ngati muli ndi

Magazi amenewo, ndiye inu mumamulemekeza Mulungu, inu mumamukonda Mulungu, inu mumamulemekeza Mulungu; ndipo Mulungu ndi Mawu.

¹²⁸ Tsopano zindikirani, chachiwiri, ndi mapiko awiriwo Iwo amaphimba mapazi Awo. Kodi chimenecho chimatanthauza chiyani? Kudzichepetsa pamaso pa Mulungu, mu Kukhalapo Kwake.

¹²⁹ Monga Mose pa chitsamba chonyeka, anavula nsapato zake, pamene iye anamumva Iye akuti, “INE NDINE AMENE NDIRI INE.”

Paulo, ali pa njira yake waku Damasiko, iye—iye anagwa pa nkhope yake.

¹³⁰ Yohane, pamene iye anawona a—Mzimu wa Mulungu pamutu pa Yesu, iye anati, “Ine ndikusowa kuti ndibatizidwe ndi Inu, ndipo nchifukwa chiyani Inu mukubwera kwa ine?”

¹³¹ Apa pali chitsanzo chabwino. Nthawizonse muzikhala atcheru ndi kuchepa kwanu, osati kukula kwanu.

¹³² Lero, ife—ife Achimerika, zachuluka kwambiri, mpaka timayesa kumaganiza kuti ndife wamkulu winawake, “Ife ndi a chinachake chachikulu, bungwe linalake lalikulu, chinachake chachikulu chopambana chimene chiri ndi...” Oh, chachikulu chapamwamba, chachikulu, chachikulu ndizo zonse zimene ife timaziwona.

¹³³ Ndipo kuti pamene...Nthawi ina, mu Baibulo, ife tiri ndi chitsanzo cha izo. Panali a—mneneri amene anakalowa mu mphanga ndipo...Eliya. Ndipo Mulungu anali kuyesetsa kuti akope tcheru chake, kuti atulukemo. Ndipo pamenepo panadzabwera moto, ndi utsi, ndi—ndi mphepo ya nkuntho kudutsa mmapiri, ndi mabingu, ndi chivomezi, ndi kugwedeza, ndi china chirichonse. Mneneriyo sanasunthidwe nkomwe. Mulungu sanali nkomwe mwa izo. Koma pamene Liwu, lija laling'ono la kayaziyazi linadzayankhula, iye anaphimba nkhope yake ndipo anabwera patsogolo. Pamene Liwu, laling'ono la kayaziyazi la Mawu a Mulungu linadzayankhula, osati kaphokoso, osati zipembedzo zathu zazikulu, osati chinachake chathu chachikulu, koma Liwu lija laling'ono la kayaziyazi, la Mawu, limene lalambalaliridwa. Izo zikuyenera kumuitanira munthu ku kulapa. Mulungu mu Mawu Ake!

¹³⁴ Komabe, Iye anaphimba mapazi Ake; ndipo anakhala watcheru za Iye...kuchepa kwathu pamaso pa Mulungu.

¹³⁵ Chachitatu, Iye amakhoza kuwuluka ndi awiri enawo.

¹³⁶ Tsopano kumbukirani, awiri, Iye anaphimba nkhope Yake, mu Kukhalapo kwa Mulungu, kuti akhale waulemu. Chachiwiri, mapiko awiri pa mapazi Ake ankatanthauza kudzichepetsa, pamaso pa Mulungu. Ndipo mapiko achitatu, tsopano, Iye anaziika Yekha kumakachita ntchitoyo. Iye amatha kuwuluka

ndi mapiko awiri amenewo, mwaona. Awiri pa nkhopo Yake, awiri pa mapazi Ake, ndipo amauluka ndi awiri, tsopano icho chinali chiyani? Ulemu, kudzichepetsa, ndipo anakachita ntchitoyo.

¹³⁷ Mulungu amamusonyeza mneneri momwe wantchito Wake wokonzeka amayenera kumakhalira; waulemu, wodzichepetsa, ndi kumakaichita ntchitoyo. Tsopano iye anawona chinachake chosiyana ndi chimene Uziya anachita. Iye anali kumuwonetsa mneneri chimene iye akuyenera kukhala, osati monga Uziya, koma kuti azikhala monga Akerubi a Mmwambamwamba awa. Ndipo ngati inu mukufuna kuyang'ana pa mfumu, mfumu ya padzikola pansi... Muyang'ane pa ya Mmwambamwamba Iyo, anakwezedwa pamwamba pa Mmwamba monse, ndipo chovala Chake chinadzaza Kumwamba.

¹³⁸ Pamenepo ife tikuwona kuti Iye anali kumupatsa iye chinachake choti azichiyang'ana, choti chizimukopa iye mosiyana ndi chimene iye anali kuchiyang'ana, kuchiganizira, "Munthu amene ankamutumikira Mulungu ndipo amachita bwino, ndi chirichonse, zinali zabwino." Koma Yesaya anayika a—malingaliro ake pa munthu.

¹³⁹ Ndipo munthu ndi wolephera, kuyamba ndi kuyamba. Ine sindikusamala kuti iyeyo ndi ndani. "Iye amabadwa mutchimo, amaleredwa mu kusaeruzika, amabwera ku dziko akuyankhula mabodza," chotero iye ndi wolephera kwathunthu. Ine sindikusamala kaya iye ndi bishopu, papa, woyang'anira, kapena chirichonse chimene iye angakhale. Iye ndi wolephera, kuyamba ndi kuyamba, ndipo musadzayang'ane pa mmodzi. Ine sindikusamala, "Ngakhale iye azisuntha mapiri ndi chikhulupiriro, ndipo ngakhale iye angapereke katundu wake yense kuti adyetse osauka." Komabe, muziyang'ana pa Yesu Khristu. Iye ndi Mmodziyo. Muziyang'ana kwa Iye, osati kwa munthu wina.

¹⁴⁰ Tapeza tsopano kuti Iye anali kumuwonetsa apa chimene wantchito wa Mulungu akuyenera kukhala, mmene iye akuyenera kukhala wodzichepetsa ndi waulemu ndi kumakachita ntchitoyo.

¹⁴¹ Pitani muzikachita ntchitoyo! Ambiri a ife tikhoza kukhala odzichepetsa, ambiri a ife tikhoza kukhala aulemu, koma zimakhala zovuta kuwapangitsa iwo kuti azikachita ntchitoyo.

¹⁴² Koma tsopano ife tikuzindikira kuti Mulungu anali kusonyeza mmene Iye ankamukonzeretsa wantchito Wake, chimene iye akuyenera kukhala. Akerubi amenewo anali, kapena—kapena, Aserafi, anali antchito a Mulungu.

¹⁴³ Zindikirani, monga mkazi wa pa chitsime, pamene iye anali akufunafuna Malemba kuti akwaniritsidwe. Zimene ife taziyankhula, kawiri kapena katatu sabata ino. Pamene, iye ankafunafuna kuti izo zikwaniritsidwe. A—mtsikanayo,

monga momwe ife tikudziwira, sankapita ku tchalitchi. Iye mwinamwake...Iwo anali kutali kwambiri ndi Mawu, ndi zinthu monga zimenezo, iwo...ndi kumanena tizikhulupiriro tawo ndi zinthu. Monga Yesu ananenera, “Inu mwatenga miyambo yanu, ndipo mwapangitsa—Mawu a Mulungu kukhala opanda mphamu.”

¹⁴⁴ Icho ndi pafupifupi chinthu chomwe chomwecho lero. Tizikhulupiriro timene ife timaphunzitsidwa, ndi zinthu, zachotsa Mawu a Mulungu kuti asamagwire ntchito. Mawu akulephera kuti atuluke. Ndipo zinthu zimene zikumanenedwa, zoono; iwo adzazidwa kwambiri ndi chinachake, iwo akulephera kuti awawone Iwo.

¹⁴⁵ Kumbukirani, Liwu limenelo silidzakusautsani inu nokha pano. Tepi iyi ikupita konsekonse pa dziko lonse. Ine sikuti ndikuyankhula kwenikweni ndi inu nonse pano. Koma ngati pali winawake pano amene akuzifuna izo, chabwino, izo, izo ndi za inu ndiye. Mukuona? Koma, kumbukirani kuti Liwu limenelo lidzakusautsani inu nthawi yonse imene inu mukukhala moyo. Mu tsiku la kufa kwanu, Ilo lidzakusautsani inu. Limvereni Ilo! Bwererani!

¹⁴⁶ Miyambo yathu yawatenga Mawu a Mulungu ndipo yawapanga Iwo kukhala opanda mphamu. Mawu a Mulungu akuwonetseredwa, ndipo anthu amaimirira mozungulira ndikuti, “Chabwino, ine ndikuganiza izo ndi zabwino ndithu.” Mukuona? Mai, oh, mai! Izo zikuyenera kuyika solo yanu pa moto. Izo zikuyenera kuchita chinachake, koma izo sizikutero. Izo sizikuchita izo. Ife tikumupeza Mulungu...

¹⁴⁷ Pamene mkazi uyu...Ansembe amenewo ndi zinthu, mwinamwake iye sankapita ku tchalitchi chifukwa iye sankawona chifukwa choti azipitirako, chinachake monga choncho. Koma iye anali atawerenga Malemba. Pakuti tazindikirani, iye anadziwa, mwamsanga, pamene Iye anamuuya iye limene linali vuto lake, bwanji, iye anati, “Bwanji, ife tikudziwa kuti Inu tuyenera kukhala mneneri. Ife sitinakhale naye mmodzi kwa zaka mahandiredi. Koma Inu mukuyenera kukhala mneneri, ife tikudziwa.” Tsopano, onani, kuganiza kwanga, iye anaganiza...

¹⁴⁸ Ngati inu mungatenge zowerenga za mmalirezo pameneopo, ndi kukawerenga izo mu Lemba lanu, izo zikubwerera kwa “Mneneri,” amene anali Khristu.

¹⁴⁹ Anati, “Ife tikudziwa ife...Inu mukuyenera kukhala mneneri. Ife tikudziwa kuti Mesiya, pamene Iye adzabwera, ichi chidzakhala chinthu chimene Iye ati adzachite. Iye adzazindikiritsidwa ndi ichi.”

Ndipo Yesu anati, “Ine ndine Iye amene akuyankhula ndi iwe.”

¹⁵⁰ Iye anapita kukachita ntchitoyo. Iyeakanatha kuperira nazo izo konse. Chinthu kumene chimene iwo ankachifuna, chinali chiri pa dziko lapansi nthawi imeneyo, ndipo iye anachiwona Icho. Ziribe kanthu mmene iye analiri mu kakhaliidwe koyipa, hule, kapena mkazi monga choncho, sakanatha... Mwamuna pa msewu sakanatumvetsera nkomwe iye. Iwo sangatero lero. Koma kumuletsa iye, iwe ukanaachita motani zimenezo? Izo zinali ngati nyumba ikuyaka moto, mu mphepo yankuntho. Inu simungathe kuizimitsa iyo. Moto unayamba kuyaka mu mtima mwake.

¹⁵¹ Iye anati, “Bwerani, mudzamuwone Mwamuna Amene wandiuza ine zinthu zimene ine ndachita. Kodi uyu si ndiyi Mesiyayo?” Ndipo izo zinakakamira, aponso. Pamene, Yesu sanachite kubwerezza izo kenanso. Anthuwo anamukhulupirira iye chifukwa... anamukhulupirira Yesu chifukwa cha umboni wake. Mukuona? Kodi izo zinachita chiyani? Iye anali wodzichepetsa, waulemu, ndipo anakaichita ntchitoyo. Iye anapita kukaichita ntchitoyo pamene iye anawona chintchuchu chikuchitika.

¹⁵² Zizindikiro Zake zikuyenera kutikopa, lero. Zizindikiro zolonjezedwa za lero, Mawu olonjezedwa amene ayikidwira tsiku lino, tikamamuwona Mulungu akukwaniritsa zimene Iye ananena kuti Iye akanadzachita, izo zikuyenera kuchita chinachake kwa ife. Koma izo sizikumatero.

¹⁵³ Chimodzimodzi monga izo zinachitikira ndi Ayuda. Iwo anali achipembedzo kwambiri mpaka iwo—iwo sankaganiza kuti ankawasowa Iwo. Iwo, iwo sankaganiza kuti anali ndi chirichonse.

¹⁵⁴ Ndipo umo ndi mmene ziliri ndi dziko lero. Ilo liri nazo zambiri zoti lizidya, zochuluka zoti lizivala, matchalitchi abwino, malo aakulu, atumiki ophunzira bwino, ndipo chotero iwo sakusowa kanthu. “Koma inu simukudziwa,” Malemba anati, “inu ndi amaliseche, omvetsa chisoni, akhungu, ndipo simukudziwa izo.” “Simukudziwa izo,” ndipo inu simungawauze iwo zosiyana. Iwo amakhala akupitirirabe kumayenda chotsika mzere umenewo, ndipo nkulephera kuti awalole Mawu a Mulungu kuti awakope iwo kuti akhulupirire kuti Yesu Khristu waukitsidwa kwa akufa, ndipo ali moyo lero, yemweyo dzulo, lero, ndi kwanthawizonse, akudziwonetsera Yekha wamoyo. Iwo ndi akufa basi. Kulikonse, kulikonse kumene iwe ungapite, zimawoneka kuti ndi chinthu chomwe chomwecho. Izo zimayenera kukhala mwanjira imeneyo, ngakhalebe, inu mukudziwa. Iye akuyenera kutulutsidwa kunja kwa tchalitchi. Palibepo njira nkomwe kuti izo zisakhala mwanjira iyi. Mulungu ananena kuti izo zidzakhala mwanjira iyi. Koma ngati—ngati...

¹⁵⁵ Mulole izo zikugwedezeni inu, mulole izo zikugwedezeni bwino inu. Ziribe kanthu kuti ndinu a fuko liti, kulikonse kumene inu muli, aliyense yemwe inu muli, mulole izo zikudzutseni inu.

¹⁵⁶ Maora amabwera ndipo amapita. Chinthu choyambirira inu mukudziwa, inu mudzakhala mukunena kuti, "Chabwino, ine—ine ndimaganiza pamayenera kuchitika ichi Mkwatulo usanachitike."

¹⁵⁷ Pakhoza kudzakhala Liwu likubwera monga mmene linachitira nthawi ina, "Iwo wachitika kale ndipo inu simunadziwe izo."

¹⁵⁸ Inu nonse mudzakhala mutazikika mu mpingo kwinakwake, mukuti, "Ndine woteteze ka basi mmene ine ndingathere," ndipo, chinthu choyamba inu mukudziwa, Mkwatulo udzakhala utapita. Iwo udzakhala chinsinsi, kupita kwadzidzidzi, palibe amene adzadziwe za izo. Dziko lidzakhala likupitirirabe.

¹⁵⁹ Monga Nowa analowa mu chombo. Inu mukukumbukira, Nowa atalowa mu chombo, iye anakhala mmenemo masiku seveni Mulungu atatseka chitseko. Mulungu anatseka chitseko, ndipo Nowa anakhala mu chombomo kwa masiku seveni chirichonse chisanachitike.

¹⁶⁰ Ndipo chitseko cha chifundo chidzatsekeda inu mukupenya, ndipo zikhoza kutheka kuti chinatsekeda kale. Ndipo tangoganizani za zimenezo, anthu adzakhala akupitirirabe kumalalikira, anthu kumaganiza kuti akupulumutsidwa, kumalemba maina awo mmabukhu, kumajowina tchalitchi, kumafuula, kumadumph-a-dumphha.

¹⁶¹ Bwanji, ine ndawawonapo Achimuhamadi akufuula. Ine ndamvapo...anthu amamwa magazi kuchokera mu chigaza cha munthu, ndi kumayankhula mmalirime, ndi kumachita zinthu zonsezo. Chimenecho si chizindikiro chakuti ndiwe wopulumutsidwa. Oh, ayi.

¹⁶² "Kukhala nawo mawonekedwe aumulungu." Kodi "Mphamu yake" imene akuyikambayo ndi iti?

¹⁶³ Mwaona, zinthu zimenezo zikhoza kuchitika, ndipo idzakhala nthawi itatha ndipo inu osadziwa izo. Inu simungakwanitse kutenga mwaiyi wa mtundu umenewo. Musachite zimenezo, amzunga. Dzialoweni pamene inu mungakwanitse. Musakopeke ndi nyumba yaikulu inayake, bungwe linalake lalikulu lopambana, wophunzira winawake wopukutidwa mwapamwamba. Mulole Mawu a Mulungu azikukopani inu. Ndizo ndendende zimene zinawapangitsa atumwi amenewo. Pamene iwo anawawona Mawu amenewo akuwonetedwa, izo zinawakopa iwo, "Ife tikutsimikiza!"

¹⁶⁴ Ndikhoza kumabwerezabe zojankhulidwa. Yesu, ali ndi unyinji wawukulu wa masauzande akumutsatira Iye, Iye

anati, "Amenewo achulukitsa. Taonani, taonani, chinachake chachirendo apa, alipo ochepta amene aitanidwa... Eya, ambiri aitanidwa, apang'ono asankhidwa."

¹⁶⁵ Chotero ndiye Iye anawona magulu ambiri, Iye anati, "Pokhapokha inu mutadya thupi la Mwana wa munthu, kumwa Magazi Ake, inu mulibe Moyo mwa inu." Iye sanazifotokoze konse izo.

¹⁶⁶ Ine ndikudabwa ngati Iye anganene zimenezo mu Beaumont, lero, ziribe kanthu kuti Iye anali wotchuka bwanji, inu mukuganiza kuti madokotala, ndi anthu a khalidwe labwino, ndi azasayansi, anganene chiyani? "Munthu ameneyo ndi mthakati. Chabwino, Iye akufuna kuti inu muzimwa Magazi Ake? Chabwino, ndi mtundu wanji wa... Inu mukuyamba kukwiya."

¹⁶⁷ Yesu sanafotokoze konse izo. Iye ankafuna kuti asase tizirombo timeneto pa Iye. Uko nkulondola. Kenako iwo onse anadzukapo ndipo anachoka.

¹⁶⁸ Kenako Iye anapotolokera kwa atumwi amenewo amene sanadzozedwere ku Moyo, koma Iye anali atawasankha iwo. Iwo anali osadzozedwa. Iye anati, "Inu mudzanena chiyani mukadzamuwona Mwana wa munthu akukwera Kumwamba kumene Iye anachokerako?" Oh, chimenecho chinali chotsamwitsa. Iye anachita chiyani...

¹⁶⁹ Amenewo—atumiki amenewo anati, "Kukwera kupita Kumwamba? Chabwino, Munthu uyu anabadwira kuno ku Galileya. Iye anabadwira ku Nazareti. Ife tikuwadziwa amayi Ake, Ake—abale Ake. Ife tikudziwa mchikuta chimene Iye anaikidwamo. Ife tinawona zovala za ukhanda Wake. Ife timayankhulana ndi amayi Ake. Ndiyено akuti Munthu uyu anabwera, akubwerera kumene Iye anachokerako? Iye anachokera ku Nazareti. Bwanji Iye akuti, 'Kumwamba'?"

¹⁷⁰ Iye sanafotokoze konse izo. Panali pali tizirombo tambiri apobe. "Iwo anadzuka, ndipo iwo sanayende nayenso Iye aponso." Zimenezo ndi zimene Baibulo linanena.

¹⁷¹ Kenako Iye anapotoloka ndipo anati, "Ine... Inu nonse mukufuna muzipita, nanunso?" kwa khumi ndi awiriwo.

¹⁷² Kumbukirani, iwo samatha kuzifotokoza izo, koma iwo ankazidziwa izo. Iwo ankadziwa kuti Iye anali, chotero iwo ananena kwa Iye... Iye anali atawakopa iwo ndi zizindikiro Zake zotsimikiziridwa kuchokera kwa Mulungu. Penyani.

Iye anati, "Inu mukufuna muzipita, nanunso?" kwa khumi ndi awiriwo.

¹⁷³ Petro anati, "Ambuye, kodi ife tingapitenso kwa ndani? Pakuti ife tiri otsimikiza..." Tsopano, zimenezo, onani, mukawerenge zimenezo. Icho ndi chiyani? "Ife tikudziwa chimene Mawu amanena za lero. Ife tikudziwa chimene

Mesiya akuyenera kuti adzachite ngati Iye angabwere lero. Ife tachiwona chinthu ichi chikuchitidwa ndi Mulungu.”

¹⁷⁴ Iye anadzazinena izo mtsogolo, pa Pentekoste. Iye anati, “Yesu waku Nazareti, Munthu wotsimikiridwa ndi Mulungu pakati panu, ndi zinthu zimene Iye akuyenera kuchita. Ndipo inu munamutenga Kalonga wa Moyo ndipo munamupachika Iye, ndipo—ndipo Mulungu anamuukitsa Iye, zomwe ndinu mboni ya zimenezo.”

Zindikirani apa, mwaona, iye anati, “Ife tingapitenso kuti?”

¹⁷⁵ Yesu anati, “Ine ndinasankha khumi ndi awiri a inu, ndipo mmodzi wa inu ndi mdierekezi.”

¹⁷⁶ Ndipo analipo khumi ndi mmodzi okha atayima pameneopo, kuchokera mwa masauzande kuchulukitsa masauzande. Khumi ndi mmodzi ataima pameneopo. Oh, mai! Atakopedwa! Ndithudi.

¹⁷⁷ Mkazi wamng’ono uyu, pamene iye anakopedwa, iye anapita kukaichita ntchitoyo. Iye ankayenera kuti akachite chinachake cha izo. Iye ankayenera kuti akamuuze winawakenso.

¹⁷⁸ Ndipo solo yowona yeniyeni iliyonse imene ikhudzana ndi Khristu, umayenera kuti ukamuuze winawake za Izo.

¹⁷⁹ Petro, pamene anamutenga Iye pa Mawu Ake, usiku uja pa nyanja, anamuwona Iye kunja uko, anali...kapena tsiku lija, izo zinali. Iwo anakhala akuwedza usiku wonse, ndipo iwo sanagwire kanthu, anaponyera khoka mmbuyo ndi mtsogolo. Imeneyo inali nthawi yokhumudwitsa, ngati winawake ali nsodzi. Anaponya khoka usiku wonse, ndipo iye anali nsodzi, nayenso. Abambo ake anali nsodzi. Iye anakhala pa nyanja imeneyo moyo wake wonse, ndipo makolo ake ndi azigogo ake ankachokera ku nyanja imeneyo. Ndipo iye amadziwa pamene mwezi uli bwino, ndi mbali kumene mphepo ikuwombera, ndi zizindikiro zonse. Ndipo iye ankawedza kuti apeze chakudya. Chotero iye anakhala akuwedza usiku wonse, ndipo sanagwire kalikonse.

¹⁸⁰ Kenako iwo anadzapeza, tsiku lotsatira, kuti—kuti iwo ananena kuti Mneneri uyu anali woti akayankhula, uko ku gombe. Ndipo ine ndikulingalira, kuchokera ntinyumba tawo tating’ono kunabwera atsikana, ndi ena otero, kubwera uko kuti adzamumvere Iye. Gululo linayamba kukula, pa gombelo, Iye anachita kubwerekwa ngalawa iyi, ndi ngalawa ya Petro. Anatulukamo ndipo anadzachapa makhoka awo, ndipo opanda ngakhale nsomba imodzi, ndipo anawaponyera iwo pameneopo; anali okhumudwa.

¹⁸¹ Ndipo nthawizina pa mphindi yokhumudwitsa imeneyo, ngati inu mungapenyetsetse, ndi pamene Iye amabwera pameneopo. Koma musakhale akhungu mokwanira kuti muphonye zimenezo. Mukuona? Pamene inu muwona chirichonse chikuchitika mmene zikuchitikira mdziko lero,

musamachite mantha. Mukuona? Musamachite mantha. Basi—ingokumbukirani, Iye analonjeza kuti adzabwera kwa inu.

¹⁸² Ndipo tsopano zindikirani pamene Iye anabwera, Iye anamuza Petro, anati, “Tsopano ponyera kwakuyako ndipo utsitsire pansi kuti usodze.”

¹⁸³ Petro anati, “Mwinamwake. Ine sindinawonepo izi zikuchitika nkale lomwe. Ine—ine sindikudziwa. Ine ndawedza, moyo wanga wonse, kuno. A—zizindikiro, ife tangomaliza kumene kuwedza, usiku wonsewu, mmadzi omwewa. Ndipo, komabe, koma mulibemo kalikonse. Ife sitinagwiremo kalikonse. Koma pa Mawu Anu, Ambuye,” ndi zimenezotu, “Ine ndiponyera pansi khokalo. Mawu Anu!”

¹⁸⁴ Inu mwinamwake mwapita ku chipatala chirichonse. M’bale King, iwo akhoza kumanena kuti inu muwa. Iwo akhoza kumanena kuti, mlongo, ichi, icho, kapena chinacho. Ine sindikusamala zimene iwo akunena. “Pa Mawu Anu, Ambuye, ine ndiponyera pansi khokalo!”

¹⁸⁵ Pamene iye anawawona Mawu amenewo akutsimikiziridwa, pamene Yesu anamuza iye chinachake, iye anakhulupirira izo, ndipo iye anaponyera pansi khokalo mmadzi mmene munalibemo nsomba. Koma, ngati Mulungu watero, Iye akhoza kuyika nsomba mmenemo, chimodzimodzi mmene Iye anaikira madzi mu mlengalenga.

¹⁸⁶ Iye akhoza kuyika machiritso mu thupi lanu, ine sindikusamala kaya mulibemo chirichonse mmenemo. Inu mumudalire Iye kuti adzutsa izo mmasiku otsiriza. “Pa Mawu Anu, Ambuye, ine nditsitsira pansi khokalo.”

¹⁸⁷ Izo zinamukopa kwambiri nsodzi ameneyo, mpaka kuti iye anazisiya nsombazo ndi zonse, ndipo anamutsatira Yesu. Ichina chinali chikoka, pamene iye anamutenga Iye pa Mawu Ake. Kenako kodi iye anachita chiyani?

“Chabwino,” iye anati, “zikomo Inu, Ambuye, chifukwa cha mulu wabwino wa nsomba.”

Anati, “Usiye khoka lakolo. Kuyambira lero iwe uziwedza anthu.” Mtumwiyo anapita kukaichita ntchito!

¹⁸⁸ Potsiriza, pamapeto a ulendo, pamene iwo ankapita kuti akamupachike iye, kukamupha iye, ndipo iye anathawira kunja kwa mzindawo. Ndipo ali pa njira akuthawa, monga mbiriyakale imatiuzira ife, iye anali kuthawitsa moyo wake, akutuluka mu mzindawo, ndipo iye anakumana ndi Yesu akubwerera. Iye anati, “Iwe ukupita kuti, Simoni?” Kapena, Simoni anati kwa Iye, “Inu mukupita kuti, Ambuye?”

¹⁸⁹ Iye anati, “Ine ndikubwerera ku mzinda kuti ndikapachikidwenso.”

¹⁹⁰ Simoni anapotoloka ndipo anabwerera mmbuyo. Ndipo pamene iwo anamupeza iye, anati, “Musati . . .” Iwo

anakamuika iye pa mtanda. Anati, “Musandipachike ine monga chomwecho. Muyike mutu wanga chadololido, ndipo mapazi anga aloze mmwamba!”

¹⁹¹ Iye anali atakopedwa pamene iye anamuona Yesu atawuka kwa akufa; anakopedwera imfa yake, iye anakopedwa ndi chirichonse. Iye anapita kukaichita ntchitoyo. Imfa siikanalepheretsa nkomwe izo. Kupachikidwa sikukanalepheretsa izo. Iye anakopedwa ndi Yesu.

¹⁹² Munthu wakhungu anachiritsidwa. Iwo anamuua iye kuti asunge bata lake, koma iye anafalitsa kutchuka Kwake konsekonde. Anthu ake anati, “Tsopano . . .” Ansembe anati, “Tsopano ngati munthu aliyense apita ndi kukakhala pa chitsitsimutso chimenecho, iwo angobwera ndi kudzalandma pepala awo a tchalitchi, zithera pomwepo.” Ndipo abambo ndi amayi amawopa zimenezo. Mukuona? Chotero iwo anati . . .

Iwo anabwera, anati, “Kodi mnyamata uyu zatheka bwanji kuti akupenya?”

Anati, “Iye—iye ndi wamkulu; mfunseni iye.” Iwo amachita mantha.

Koma iye amene anali atachiritsidwa anakopedwa. Ameni.

¹⁹³ Iye anati, “Munthu uyu ndi wochimwa. Upereke matamando kwa Mulungu! Ife sitikudziwa kumene anachokera Munthu uyu. Iye alibe—Iye alibe zomuyenereza. Ife sitigwirizana naye Iye. Ife tiribe kanthu kochita ndi Iye. Ife sitikudziwa kumene Iye amachokera. Ife tikudziwa kuti Iye ndi wochimwa ndipo—ndiponso akuchokera kwa mdierekezi.”

¹⁹⁴ Munthu uyu anali ndi yankho labwino kwa iwo. Iye anati, “Tsopano ichi ndithudi ndi chinthu chachirendo.” Anati, “Tsopano, inu mukuyenera kukhala atsogoleri a dzikoli. Ndipo Munthu ameneyo wandipatsa ine kupenya kwanga, ndipo komabe inu simukudziwa kumene Iye akuchokera.” Iye anati, “Tsopano, kaya Iye ndi wochimwa, kapena ayi, ine sindingakuuzeni inu zimenezo. Koma chinthu chimodzi ichi ine ndikuchidziwa, kuti ine ndinali wakhungu, tsopano ine ndikutha kupenya.”

¹⁹⁵ Iye anali atakopedwa. Iye analibe nazo ntchito kuima pamaso pa ansembe kapena chirichonse. Iye anali atakopedwa. Makolo ake, ngakhale chozizwitsa pa mwana wawo yemwe sichinawakope iwo, koma icho chinamukopa iye.

¹⁹⁶ Anthu pa Pentekoste, monga ine ndinanenera usiku watha, ndi dongosolo lawo la Moyo Wamuyaya, pamene iwo anakwera mmwamba kuti akatenge zawo . . . maphindu a Iwo. Zindikirani pamene iwo anakopedwa. Iwo anakhala ali oyera, anakhala ali olemekeza pamaso pa Mulungu. Iwo anali ataphimba nkhopre zawo ku zinthu za mdziko, ndi mapazi awo mu kudzichepetsa. Ndipo pamene iwo anamverera kuti Mphamvu

ya Mulungu yabwera, monga zinalonjezedwa ndi Yoweli, monga zinalonjezedwa ndi aneneri, monga zinalonjezedwa ndi Yesu! "Mukadikirire uko ku mzinda wa Yerusalem kufikira mutadzazidwa ndi Mphamvu yochokera Kumwamba." Mwamsanga pamene Mulungu ameneyo, mwa Munthu wa Mzimu Woyerwa, anadzatsika pa iwo, iwo anakopedwa. Iwo analibe ntchito mmene anthu ankawasekera iwo. Iwo anapita kunja mu msewu, akuzandima ngati munthu woledzera. Iwo anakopedwa ndi Mzimu Woyerwa. Inu mukhoza kukopedwa, nanunso. Iwo anayima pomwepo....

¹⁹⁷ Muwoneni iye. Iye sanapite kuseri ndi kumakanena mtundu wina wa kachikhulupiro. Iye anapita molunjika ku Mawu, ndipo anati, "Inu amuna aku Yerusalem, inu amene mumakhala mu Yudeya, mulole ichi chidziwiwe kwa inu, ndipo mumvetsere mawu anga. Awa sikuti aledzera monga mmene inu mukuganizira, powona kuti ili ndi ora lachitatu chabe la tsikuli. Koma ichi ndi Chija chimene chinayankhulidwa ndi mneneri Yoweli. 'Ndipo kudzachitika mmasiku otsiriza,' atero Mulungu, 'Ine ndidzatsanulira Mzimu Wanga pa thupi lonse.'" Iwo anakopedwa ndi Mawu, kuti apite ku Mawu. Iwo akuyenera kutichitira ife mwanjira yomwego.

¹⁹⁸ Iwo anapita kukaichita ntchitoyo, inde, pamene lonjezo Lake linakwaniritsidwa. Pamene, iwo anawona kuti Yesu analonjeza iwo kuti Iye adzatumiza lonjezo la Atate pa iwo, Luka 24:49, "Taonani, ine ndidzatumiza lonjezo la Atate Anga pa inu; koma kadikireni." Kudikira si kutanthauza kupemphera, zimangotanthauza kudikirira. *Tarry* amatanthauza "kudikirira." "Mukadikirire uko ku mzinda wa Yerusalem mpaka mutadzazidwa ndi Mphamvu kuchokera Kumwamba." Ndipo pamene chikoka ichi cha Mzimu Woyerwa chinawakhudza iwo, Ichu chinawadzaza iwo. Iwo anawawona Mawu, amene Yesu analonjeza, akukwaniritsidwa.

¹⁹⁹ Tsopano, ine ndikudabwa ngati zingatengere chikoka chomwecho pa ife masana ano? Ngati ife titawona zimene Iye analonjeza kuti adzachita mmasiku otsiriza, zikukwaniritsidwa, Iwo ungapitapse ife chikoka cha mtundu wanji? Chiyan? Zonse zimene ife taziwona zikuchitika mmasiku otsiriza awa zikuyenera kutiyika ife kukaichita ntchitoyo. Izo ndithudi zikuyenera kutero, ndi ulemu ndi kudzichepetsa.

²⁰⁰ Kudutsa mthunzi uliwonse wa kukaikira, zonena zimene zinapangidwa zaka sate zapitazo, za Lawi la Moto, limene makamera anajambula. Kamera yanu yaku Texas inajambula izo osati kale kwambiri. Kafukufuku wa sayansi, anazitumiza izo kudutsa kafukufuku aliyense amene iwo akanamupeza, wa a FBI. Ndipo...[Malo opanda kanthu pa tepi—Mkonzi.] ...?...Anajambula ku Texas, kuwajambulira a Texan. Pamene inu mudzawona kuti chizindikirocho, sichinatsutsidwe. Ichu ndi choonadi. Koma kodi inu mukhulupirira Liwu limene

likutsatira chizindikirocho? Chizindikirocho chatsimikiziridwa mwasayansi. Tsopano, tsiku lina pamene Yesu azidzabwerera ndi kudzawatenga anthu, konse kumene iwo ali, izo zidzadziwika, aponso.

²⁰¹ Zindikirani, Lawi la Moto likuyenera kutiika ife kumakaichita ntchitoyo, pamene Lawi la Moto likutsimikizira lonjezo Lake la masiku otsiriza. Yesu anati, “Ine ndinachokera kwa Mulungu, ndipo ndikupita kwa Mulungu,” ndi zimene Iye akanadzachita mmasiku otsiriza. Ndipo ndi Uyu apa, ziwiri zonse mwasayansi ndi mwauzimu, mu Mawu kutsimikizira izo, kuti Iye anachokera kwa Mulungu ndipo akadali yemweyo. Iye akadali Mulungu, kwa lonjezo mmasiku otsiriza. Izo zikuyenera kutipangitsa ife kumakaichita ntchitoyo.

²⁰² Zizindikiro za Kudza ziri pafupi. Yesu anati, “Monga zinali ku Sodomu, basi dziko lisanaawotchedwe, dziko la Amitundu” izi zidzabwereranso. Izo zikuyenera kutikopa ife ndi kutiika ife pomakaichita ntchitoyo, nafenso. Pamene ife tiwawona Mawu akukwaniritsidwa, amene Iye analonjeza, izo zikuyenera kutiika ife popita kumakaichita ntchitoyo.

²⁰³ Ife, monga mneneri, taona zotsatira za zipembedzo zodzikweza zokha, zikutaya malo ake. Ine ndikufuna zimenezo kuti zilowerere mwakuya kwenikweni, chifukwa ine mwinamwake sindidzayankhula nanunso kachiwiri. Koma, amuna ndi akazi, ndiloleni ine ndinene izi, ndipo ndiyankhule ndi inu momasuka, masana uno, mu Dzina la Yesu Khristu. Anthu amene ali organiza mwanzeru, anthu amene si amalaya okhuthara, atalikirana kwambiri ndi Mulungu chifukwa cha miyambo; oti, iwo awuwona mpingo wa Pentekoste, inu mwawawona a Baptisti, a Methodisti, ndi a Presbateria, inu mwawuwona mpingo wa Katolika, ukutaya malo ake mwa Mulungu, ukutaya kugwira kwake pa Mawu, pamene iwo anavomereza tizikhulupiriro.

²⁰⁴ Ine—ine ndinafunsidwa ndi wansembe, osati kale kwambiri, ndipo iye anati kwa ine, iye anati, “Bwanji, ine...” Iye anandifunsa ine za chinthu chinachake, ndi zinthu izi. Iye anati, “Chabwino, mpingo wa Katolika unkachita zimenezo.”

²⁰⁵ Ine ndinati, “Liti? Mpingo wa Katolika sunachite bungwe kwa zaka firii handiredi pambuyo pa imfa ya mtumwi womaliza.”

Iye anati, iye anati, “Iwe ukuyesera kuti uweruze nkhani yako mwa Baibulo.”

Ine ndinati, “Amenewo ndiwo Mawu.”

Iye anati, “Mulungu amakhala mu mpingo Wake.”

²⁰⁶ Ine ndinati, “Mulungu amakhala mu Mawu Ake. China chirichonse chikhale bodza, ndipo Ake owona.”

²⁰⁷ Ndipo iye anati, “Chabwino, limenelo ndi Bukhu chabe limene—limene Akatolika oyambirira analemba.”

²⁰⁸ Ine ndinati, “Ndiye ndine Mkatolika woyambirira. Ine ndimakhulupirira basi chimene Ilo linanena.” Ine sindi...Ine ndinati, “Ndiye...”

Iye anati, “Chabwino, mwaona, ndife mpingo waukulu tsopano.”

²⁰⁹ Ine ndinati, “Ndiye inu munataikira pati? Chinachitika ndi chiyani? Ngati mpingo woyambirira unkatulutsa ziwanda, ndi kutsimikizira kuti Yesu ndi wamoyo pa dziko lapansi, mwa zizindikiro zauzimu ndi zodabwitsa; ndipo kuno inu muli ndi masauzande a opembedzera, a mitundu yonse ya akazi akufa ndi amuna akufa, ndi chirichonse, kuwapanga akhale opembedzera. Mu Baibulo, papa woyamba ananena, kuti, ‘Palibepo mkhalapakati aliyense pakati pa Mulungu ndi munthu koma Munthu Khristu Yesu.’”

²¹⁰ Kutaya kugwira kwanu pa Mawu, ndipo nkumavomereza tizikhulupiro nati kudzikweza nokha mwa kudzikweza kwa munthu, ife tawawona iwo akutaya kugwira kwavo pa Mzimu Woyerwa waukulu. Ife tawawona a Pentekoste akuchita chinthu chomwe chomwecho. Ndipo inu mukuziwona izo. Pamene iwo achita bungwe, iwo amafa. Palibepo njira yoti angabwerere mmbuyo; siinayambe yakhalapo, ndipo siidzakhalapo nkomwe. Mulungu amatsutsana nacho chinthucho. Icho ndi tchimo kwenikweni. Anati, mmasiku otsiriza Iye adzati, “Tulukani kuchokera pakati pawo, anthu Anga, kuti inu musagwire zinthu zawo zodetsedwa; ndipo Ine ndidzakulandirani inu.”

²¹¹ Monga Uziya, iye ankayesera kuchita chiyani? Iye ankayesera kuti atenge udindo wa wodzodzedwa, udindo wodzodzedwa wa Mulungu. Uziya anali kuyesera kuti atenge ulamuliro umenewo, chifukwa chakuti iye anali munthu wamkulu.

²¹² Ife tawawonapo mabungwe ochita zawokha awa akuchotsa chirichonse chimene chiru Mulungu, ndi kumayesetsa kuti atenge udindo wa Mpingo, Mpingo wodzodzedwa. Ndipo ndi tizikhulupiroto, ife tawapeza kuti iwo akufa mu kusakhulupirira, ndipo iwo sadzaukanso. Iwo adzakafera ku chigono cha khate ndi ena onse a iwo.

²¹³ Mukuona pamene? Munthu, munthu woganiza, munthu wokhulupirira-Lemba amawona zimenezo. Ngati iwe uli wobadwa mwa Mulungu, iwe umaziwona izo. Mulungu mowonekera bwino akuchizindikiritsa chinthucho, kuti akukopeni inu. Monga ife talalikira sabata yonseyi, ndi zinthu, chimene icho chikuyenera kuti chidzachite, kukopa tcheru. Icho chimakukopani inu, kuti mukawone kumene iwo apita ndi chimene chachitika, mmodzi aliyense wa iwo.

²¹⁴ Ngati iwo akachita bungwe china, icho chidzachita chinthu chomwecho. Koma sipadzakhalanso zina za izo. Ayi. Izo, izo zatha tsopano. Nthawi yatha tsopano.

²¹⁵ Anataya kugwira kwavo, chifukwa chovomereza tizikhulupiro ndi ziphunzitso zopangidwa ndi munthu. Iwo akuchita mantha, ingobwerani ndipo mudzaime pafupi ndi Iwo. Mukuona?

²¹⁶ Monga Uziya kuyesera kutenga malo a—udindo wodzodzedwa, chifukwa chakuti iye anali munthu wamkulu, munthu wamkulu. Ndipo pakati pa anthu a Mulungu palibepo anthu aakulu. Ndife tonse ana a Mulungu. Mulungu amamupatsa mmodzi wa ife chinthu choti achite, ndipo wina chinthu choti achite, zimenezo sizimatipanga ife kukhala abwinoko kuposa wina aliyense. Zimangomupangitsa Mulungu kuti afune zochuluka kwa inu, ndizo zonse.

²¹⁷ Tsopano zotsatira za masomphenya oterowo, ndipo ife tikutseka. Tiyamba kupempherera odwala, mu maminiti pang'ono. Tsopano zotsatira za masomphenya oterowo. Kodi zotsatirazo zinachita chiyani kwa mneneri uyu? Ine ndikudabwa za mlaliki, ine ndikudabwa za mvangeri, kapena m'busa? Taonani chimene masomphenya a Ichi anachita, ndi chimene iye anawona, chimene chinachitika kwa Uziya womvazayekha. Ndipo kenako, ngakhale anali mwamuna wamkulu amene Mulungu ankanmulemekeza, chinthu chachikulu, iwo anachiwona icho chikuwa. Kodi izo zinali ndi zotsatira zotani pa mneneriyo?

²¹⁸ Ndi ichi chimene iwo anachita. Iwo anamupangitsa iye kuvomereza yekha kuti anali wochimwa chifukwa choyanjana ndi wotereyo. Iye anavomereza, “Ine ndi munthu wa milomo yodetsedwa, ndipo ine ndakhala ndiri pakati pa anthu a milomo yodetsedwa.” Kumupangitsa iye ku... mneneri, osati mlaliki. Mneneri anavomereza kuti iye anali munthu wochimwa, chifukwa iye anakhala akuyanjana ndi wotereyo.

²¹⁹ Kenako chiyani? Pamene iye anadzavomereza machimo ake, kenako panadzabwera kuyeretsa. Oh, inu simungakhale oyera ku tchimo lanu kufikira mutavomereza kuti ilo ndi tchimo, kufikira inu mutazindikira kuti ilo ndi tchimo. Mukatero pamabwera kuyeretsa, mwamsanga pamene iye anati, “Tsoka kwa ine, pakuti maso anga awona kutsimikiziridwa kwa Mulungu wamkulu. Angelo, Ofukiza, Opereka Nsembe ali pano, ndipo ziwundo zikusuntha ndi Liwu Lawo, ndipo ndi Awa apa mu masomphenya awa, akuuluka mmbuyo ndi mtsogolo.” Iye anali atawona chinachake chenicheni. Masomphenya anali atatsika. Iye anati, “Ndine munthu wa milomo yodetsedwa, ndipo ndikukhala pakati pa anthu odetsedwa.” Anati, iye anafuula mokweza kufuna chifundo ndipo anadzitcha iyemwini wochimwa.

²²⁰ Kenako chinadzachitika ndi chiyani? Mmodzi wa Akerubi anapita pa guwa, ndipo anakatenga mbaniro ndipo anatenga khala lamoto, ndipo anadzaliyika ilo pa dzanja Lake. Osati kulinyamula ilo pa mbaniro tsopano; ananyamula khalalo, anadzaliika ilo mdzanja Lake, ndipo anabwera ndi kudzaliika ilo pa milomo ya mneneriyo, ndipo anati, “Kusaeruzika kwako...”

²²¹ Kusaeruzika, kusaeruzika ndi chiyani? Kusaeruzika ndi chinachake chimene iwe umadziwa kuti ndi cholakwika, ndipo komabe nkumakakamira kwa icho. Pamene iwe ukudziwa kuti tizikhulupiriro tako ndi tolakwika, ndipo iwe nkumagwiritsitsabe kwa ito, zimenezo ndi kusaeruzika.

²²² Koma pamene iye anadzavomereza kuti iye amalakwitsa, panali mphamu yoyeretsa. Iye anatenga khala la Moto. Kodi inu munazindikira mmene Mulungu... .

²²³ Ife tikuwona mmene Mulungu amawaikira antchito ake mu dongosolo, ndi chimene Iye anamukonzena nacho iye; mmene iye anathera kukhala, wodzichepetsa, wolemekeza, ndi kudzaziika yekha mu kuichita ntchitoyo.

²²⁴ Penyani, pamene Iye anamuyeretsa wantchitoyo, Iye sanazichite izo mwa seminare. Iye sanazichite izo mwa mulu wa mabukhu. Ife tikupeza apa kuti Mulungu amawayeretsa antchito Ake ndi Moto. Khala la Moto linamukhudza mneneri, linayeretsa milomo yake. Mulungu amawayeretsa antchito Ake ndi Moto Wake Woyerera. Osati ndi mabukhu, osati ndi maphunziro, zaumulungu; koma Iye anamuyeretsa wantchito Wake ndi Moto.

²²⁵ Kenako mwamsanga pamene iye anadzavomereza nayeretsedwa, kenako panadzbawera kutumidwa. Poyamba iye ankayenera kuti avomereze, kenako iye ankayenera kuti ayeretsedwe, ndipo tsopano ndi kutumidwa. Panali pamenepo pamene Yesaya woyeretsedwayo analira... Pamene iye anamva Liwu la Mulungu, likuti, “Ndani ati atipitire Ife?”

²²⁶ Tayang'anani mmbuyo mu mbiriyakale, pamene inu mukuwerenga izi, inu mukapita kwanu, chimene chinachitika kwa Israeli. Iye anafika pamalo omwewo (kumene) amene ife tifikapo. Iwo anali ataitana... Nsembe zawo zonse ndi zinthu zinali zitasanduka mwambo kwa iwo. Panalibepo kuwonamtima. Iwo sankawalemekeza Mawu a Mulungu. Pamenepo ndi pamene Mulungu anamudzutsa Yesaya, kuti amuuze iye kuti nsembe zimenezo zimanunkha mmphuno Zake. Iye samazifuna izo. Izo zinali kuchitira mwano kwa Iye, ndiyе Iye sanafunenso kalikonse kochita nazo izo. Ndipo pamene... . Zitatero Yesaya uyu anayeretsedwa ndipo anali atakonzeka kuti apite kukalalikira Uthenga.

²²⁷ Ndipo Liwu la Mulungu linati, “Tsopano pali chosowa. Zinthu izi zikuyenera kuti zikanenedwe.” Ndipo Liwu limodzi

linanena kwa limzake, Angelo akuuluka, anati, “Ndi ndani ati atipitire Ife?”

²²⁸ Kenako Yesaya, ali ndi mtima woyer; atayeretsedwa, anavomereza, atayeretsedwa ndi kutumidwa, masomphenya; anati, “Ndine pano, Ambuye, nditumeni ine. Nditureni ine. Ndine pano, nditumeni ine.”

²²⁹ Mulungu, tumizani Angelo Anu oyerkenanso lero. Mpezeni Yesaya Wanu penapake, pemphero langa. Ine—ine sindiri... Ine ndikungonena izi chifukwa ine ndikudziwa kuti Iye ali pano.

Pamene khala la Moto linamukhudza mneneri,
Kumupanga iye woyer mmene kuyera
kungakhalire,
Pamene Liwu la Mulungu linati, “Nndani ati
atipitire Ife?”
Ndiye iye anayankha, “Ambuye, ndine pano,
nditumeni ine.”

²³⁰ Zitatero iye sankawawopa Mawu. Iye anali mneneri; Mawu amakhzoa kubwera kwa iye. Iye anali... Kusakhulupirira kwake konse ndi miyambo zinali zitapita. Iye amatha kuyima pamaso pa m'badwo wa miyambo uwo, ndi kuwauza iwo, “Nsembe zanu zikununkha mmphuno za Mulungu. Ndipo Mulungu yemweyo amene inu mukuti mukumutumikira, adzakuwonongani inu.” Ndizo zimene Iye ananena. “Mulungu amene inu mukuti mukumutumikira, adzakuwonongani inu,” ndipo Iye anachita izo.

Iwo anati, “Chizindikiro!”

Iye anati, “Ine ndidzakupatsani inu chizindikiro chapamwamba; namwali adzayima.”

²³¹ Yesaya analemba ma chapatala sikisite-sikisi mu bukhu lake, ndipo alipo Mabukhu sikisite-sikisi mu Baibulo. Iye akuyambira ndi chiyambi cha kulenga, ndipo akudzatsirizira mu Zakachikwi chimodzimodzi basi monga Baibulo lonse limachitira.

²³² Mneneri wamkulu uja wa Mulungu, amene anali wololera kuvomereza kuti miyambo yaho yonse inali yolakwika; ndipo anakhala pansi pamenepo ndipo anayeretsedwa, ndi potero Mawu a Mulungu akhoza kubwera kwa iye. Kenako iye anati, “Ndine wokonzeka kuti ndipite, Ambuye. Ndine wokonzeka. Ine ndikayankhula zimene Inu mukuti ndiyankhule. Ine ndikanena zimene Inu mukanene kuti ndinene.” Iye anali atakonzeka kuti apite.

²³³ Mulungu, abweretseni Angelo kenanso, masana uno, Mzimu Woyer ndi Moto, ndipo moyeretse mitima ya abale anga, kulikonse. Mulole pakakhale zikoka zotero mpaka ena akawone ndi kufuna kutsatira, nawonso.

²³⁴ Tiyeni tiweramitse mitu yathu. Mwakachetechete:

Pamene khala la Moto linamukhudza mneneri,
 Kumupanga iye wangwiro monga wangwiro
 akanakhala,
 Pamene Liwu la Mulungu linati, “Ndani ati
 atipitire Ife?”
 Ndiye iye anayankha, “Ambuye, pano,
 nditumeni ine.”

Mwakachetechete tsopano, tonse pamodzi.

Yankhulani, Ambuye wanga, yankhulani,
 Ambuye wanga,
 Yankhulani, ndipo ndifulumira kuti
 ndikuyankheni Inu;
 Yankhulani, Ambuye wanga, yankhulani,
 Ambuye wanga,
 Yankhulani, ndipo ndiyankha, “Ambuye
 nditumeni ine.”

Mamilioni tsopano mu tchimo ndi mmanyazi
 akufa;
 Mvetserani ku kulira kwawo kwachisoni ndi
 kowawa;
 Fulumirani, m’bale, fulumirani ku
 kuwapulumutsa kwawo;
 Mwamsanga yankhani, “Ambuye, ndine pano.”

Yankhulani, Ambuye wanga, yankhulani,
 Ambuye wanga,
 Yankhulani, ndipo ndifulumira kuti
 ndikuyankheni Inu;
 Yankhulani, Ambuye wanga, yankhulani,
 Ambuye wanga,
 Yankhulani, ndipo ndiyankha, “Ambuye
 nditumeni ine.”

²³⁵ Tiyeni tiing’ung’udze iyo, mwakachetechete. [M’bale Branham akuyamba kung’ung’udza *Yankhulani, Ambuye Wanga*—Mkonzi] Tiyeni titsikire ku kachisi tsopano.

Mvetserani ku kulira kwawo kwachisoni ndi
 kowawa; (Oh, m’bale, bwerani ndi ine, iwe
 suter?)

Fulumirani, m’bale, fulumirani ku
 kuwapulumutsa kwawo; (Iwo sakudziwa
 kuti akhale a chipembedzo, chiti, kapena
 asakhale ndi chirichonse.)

Mwamsanga yankhani, “Ambuye, ndine pano.”

Yankhulani, Ambuye wanga, yankhulani,
 Ambuye wanga, (a Yesaya, mulipo pano?)
 . . . ndipo ndifulumira kukuyankhani Inu,

Yankhulani, Ambuye wanga, yankhulani,
 Ambuye wanga,
 Yankhulani, ndipo ndiyankha, “Ambuye,
 nditumeni ine.”

²³⁶ Ine ndikudabwa, ndi mitu yanu yoweramitsidwa ndi mitima yanu yoweramitsidwa, Yesaya, iwe uli pati? Kodi iwe ungakweze mmmwamba dzanja lako, ndikuti, “Ambuye, ndine pano, nditumeni ine. Ndine wokonzeka”? Mulungu akudalitseni inu. Tsopano mutanthauze kwenikwensi izo. Nainte peresenti ya omvetsera.

Yankhulani, Ambuye wanga,
 Yankhulani, ndipo ndiyankha, “Ambuye,
 nditumeni ine.”

²³⁷ Taonani, atumiki, inu amene munakweza dzanja lanu. Tayang'anani pa akazi athu, alongo athu, ndi chamanyazi bwanji! Te, te, te, te, te, te! Tayang'anani pa amuna athu, amaganiza mochuluka za bungwe kuposa mmene iwo amachitira za Mawu a Mulungu. Yesu Khristu akudzitsimikizira Yekha pakati pavo, ndipo basi ndendende Malemba kumawonekera bwino ndi kumadziwitsidwa, ndipo komabe iwo kumakakamirabe kwa izo. M'bale!

²³⁸ Winawake akuti, “Chabwino, ine sindingakhale wopanda kanthu. Ine—ine... kuti iwo... Ine sindingakhale wopanda malo oti ndizipitako.”

²³⁹ M'bale, ngati ine ndiyenera kuti ndizidya zikondamoyo ndi kumamwa madzi a mngalande, ine ndingakhale ndi Ambuye wanga. Iye ndi moyo wanga. Iye ndi mkate wanga. Inu mukuganiza kuti ine ndimachita izi kuti ndikhale wosiyana? Ine ndimachita izi chifukwa ndimamukonda Iye, chifukwa ndi kutuma kwanga. Kuima mbali ndi mbali, ndi Iye, ndi Mawu amenewo!

Oh, yankhulani, ndipo ndiyankha, “Ambuye,
 nditumeni ine.”

²⁴⁰ Atate Akumwamba, pamene nyimbo ikuyimba mokoma, mulole aliyense amene ali mu Kukhalapo Kwaumulungu, Ambuye, awone kuti iyi ndi nthawi yoitana. Iyo ndi—iyo ndi nthawi yolekanitsa, pamene mankhusu ndi—ndi tirigu zikuyenera kulekanitsidwa. Ngakhale a—tirigu wakutiridwa mu mankhusu, koma tsopano iyo ndi nthawi yoyitana atuluke. Ndi kutuluka kwina.

²⁴¹ Ine ndikupemphera, Mulungu, pamene Kuwala kwa Mwana kwakukulu kwachetsa mbewu pa gawo lirilonse la Moyo wake, kuyambira nthawi... Monga mu Canada tsopano, pamene tirigu akungoyamba kutuluka, dzuwa lotentha lija la Julaye likhoza kumupha iye pakali pano, koma iye akuyenera kucha mogwirizana ndi mmene chirengedwe chikubweretsera dzuwa pa iye. Chimodzimodzinso mmene amachitira Mwana wotentha

pa chipunzitso cha Luther, Wesley ndi ena onse a iwo, Iye amawawotcha iwo, koma izo ndi zakuti zichetse tirigu. Iye amayenera kukhwima, Ambuye, basi pamene Iye akutulukira.

²⁴² Koma, kumbukirani, nthambi zonse zinasadzulidwapo, ndipo Mtengo wa Mkwatibwi unadzabwera kuchokera pakati. “Ine ndidzabwezeretsanso, kachiwiri, zaka zonse zimene chimbalanga, chirimamine,” chiwala chomwecho, kungokhala mmagawo osiyanasaya na, “chadya. Ine ndidzabwezeretsa izo,” ATERO AMBUYE. Ndipo Inu muchita izo, Ambuye. Inu munalonjeza izo. Ine ndikupemphera kuti Inu muchite izo mu mtima uliwonse masana uno.

²⁴³ Iwovo ndi Anu, Ambuye. Ine ndikuwapereka iwo kwa Inu tsopano. Ndipo ine mwina sindidzawawonanso iwo. Ngati ine ndingadzabwerere, patadutsa chaka kuchokera lero, alipo ambiri amene akhala pano, ngati ine ndidzakhale moyo, iwo sadzakhalapo. Sindikukaikira, gulu lalikulu chonchi, nthawi yotsatira imene ine ndidzakumane nawo padzakhala pa Chiweruzo. Aloleni iwo awone, Ambuye. Aloleni iwo atsegule maso awo, ngati kuli...ndipo awone.

²⁴⁴ Onse awa amene ali pa tepi, Ambuye, amene amvetsera ku Liwu la nthawi ino, zinenero zosiyanasiyana zambiri, ngakhale kuchita kumasuliridwa, mulole iwo amvetsetse. Mulole amuna ndi akazi, mtinyumba tating’ono, ndi uko mu nkhalango zazing’ono za ku Afrika, ndi timakina tating’ono ito tokhala ndi timachubu mmakutu mwawo, mulole iwo akamve, Ambuye, akamve. Perekani izi. Wamishonare amalondola mu zimene iye ankanena, koma uwu ndi umboni wawukulu kuposa umene iye anali nawo. Iye wakonzeka tsopano. Timvereni ife, Atate. Ife tikuzipereka zonsezi kwa Inu, mu Dzina la Yesu Khristu, Mwana Wanu, ndi pa kuyitana kwa Mkwatibwi Wake. Ameni.

²⁴⁵ Tsopano, m’bale wanga, mlongo, ife tipempherera odwala, aliyense wa inu amene munakweza dzanja lanu. Ine—ine sindingapereke izo. Ngati ine ndikanati ndipereke izo kwa inu, ine ndingatero. Ndithudi, ine—ine ndikanabwera pansi pomwepo ndikudzati, “Pano, inu mukufuna izo? Ine—ine ndiri nazo.” Izso si zanga kuti ndizipereka. Izso ndi za Mulungu, ndipo Mulungu adzapereka izo kwa inu ngati muli njala mu mtima mwanu.

²⁴⁶ Pasanakhale kuitanira ku chakuya pakuyenera kukhala chakuya choti chiyankhire ku kuyitana kumeneko. Pasanakhale chirengedwe, pakuyenera kukhala Wolenga kuti alenge chirengedwe chimenecho.

²⁴⁷ Inu mukudziwa pali chinachake pamenepo chimene inu mukuchifikira; pakuyenera kukhala chinachake choti chiyankhire ku kuyitana kumeneko. Kodi inu simulandira icho tsopano? Musalole icho chife. Chonde musatero. Ngati ine sindidzakuwonaninso inu mbali ino ya Chiweruzo, mulole ine

ndidzakuwoneni inu Kumeneko, wotsukidwa ndi wokonzeka. Pemphero langa!

²⁴⁸ Tsopano Mulungu wa Abrahamu, Isaki, ndi Yakobo, Amene anawonekera pa dziko lapansi mmawonekedwe a Munthu, Mwana wa Mulungu, Yesu Khristu; Amene anavutika pansi pa Pontius Pilato, anapachikidwa, anaikidwa mmanda, nauka tsiku lachitatu; ndipo anadzakwera kupita Kumwamba, kumene Iye tsopano akukhala pa dzanja lamanja la Mfumu; akutumiza Mzimu umene unali pa Iye, wotchedwa Mzimu Woyeru, Mulungu, pa iwo... kuti abwere pa anthu, kudzachita chiyanjano, kuti adzachite utumiki umene unachitidwa mu thupi la ulemelero lija la Khristu. Moganizira... kubwera monga piramidi inasongokera, monga *choncho*, Mwalawapamutu sunaikidwe konse pa iyo. Bwanji? Iwo unakanidwa.

²⁴⁹ Tsopano, mpaka pansi, Mpingo mowirikiza wakhala ukuchepera chepera, wafika pamwamba tsopano mpaka mibadwo ya mpingo yonse yatha. Iwo ukuyenera kusongoledwa. Mwala umenewo ukuyenera kukwanirapo molunjika. Utumiki umene unali mwa Yesu Khristu ukuyenera kukhala mu Mpingo Wake, kudzamupanga Khristu kuti adzere Mpingo, kudzaudzutsa m'badwo uliwonse, kudzamubweretsa Iye, kudzaudzutsa iwo.

²⁵⁰ Chimodzimodzi monga tirigu. Tirigu akuyenera kubwereranso, pamene iye akuyamba kukhwima, kuchokera ku mbewu imene inavunda, kufa, ndi kudzatulukira ndipo nkumapitirirabe kumabwera kuchokera ku udzu ndi china chirichonse. Inu simungabwererenso ku udzu. Musalozere mmbuyo ku udzu. Musalozere mmbuyo kwa *ichi*. Musalozere mmbuyo ku ngayaye. Zibweranibe mpaka mufike pa tirigu. Ndipo tiriguyo akuyenera kukhala mtundu womwewo wa tirigu amene anadzalowa mu nthaka, pamene iye wakhwima. Yesu waukitsidwa kwa akufa. Iye wakhwima tsopano. Ndipo Iye wakhwima mu Mpingo Wake, kudzera mu kulungamitsidwa, kuyeretsedwa, ubatizo wa Mzimu Woyeru; kudzera mwa okonzanso awa mmasiku oyambirira, tsopano kuno Iye ali pa dziko lapansi lero mwa anthu Ake. Mukhulupirireni Iye. Iye ali pano.

²⁵¹ Basi kuti muthe kumuwona Iye, (tikhoza kukhala alendo), mulole Mulungu Wakumwamba alemekaze zimene ine ndanena zokhudza Iye. Tsopano ine ndikufuna inu mwa omvetsera, chonde, aliyense asatulukenso. Mungomupatsa Mulungu wa Kumwamba ulemu wochuluka chomwechi, basi kuti mungokhala kamphindi. Tsopano musasunthesunthe. Munthu aliyense muno, amene akudwala kapena wosowa, kwezani mmwamba dzanja lanu. Kapena amene... Chabwino. Zikomo inu. Tsopano, ine sindikudziwa...

²⁵² Ine ndikumudziwa M'bale King, wakhala pomwe apa. Ine ndangomuzindikira kumene iye, basi maminiti pang'ono apitawo. Ine ndikutsimikiza. Ine ndikuganiza kuti ameneyo ndi yemwe iye ali, ndi M'bale King wakhala apo. Iye anathandizira msonkhano wanga wotsiriza kuno. M'bale King, ine sindinganene zimene ine ndikufuna kuti ndinene, koma inu mukudziwa ine ndikudziwa chimene ine ndikufuna kuti ndinene. Inu mwakhala mukuperedwa, m'bale wanga wamng'ono. Mulungu akhale wachifundo kwa inu.

²⁵³ Enawo, ine sindikuwadziwa. Ine ndikumuonabe Pat Tyler wakhala apa. Ine ndikuganiza ndi mwamuna yekhayo mnyumba muno, kapena mkazi yekhayo, chirichonse yemwe ine ndikumudziwa chirichonse, ndi mwamuna uyu, Pat Tyler, wakhala apa.

²⁵⁴ Khulupirirani tsopano. Ndipo ngati ine ndiri wantchito wa Mulungu, ndipo ngati Mulungu ali pano, ndipo ine ndazindikiritsa Mawu Ake kukhala Choonadi; ndiye mulole Mulungu wa Kumwamba, Amene anamuukitsa Mwana Wake, Yesu Khristu, Amene anapanga malonjezo awa, azindikirits e iwo ndi inu, kuti ine ndakuuzani inu Choonadi.

²⁵⁵ Iye angapange motani izo? Osati kubwera atavala mwinjiro, ndi ndevu. Koma Moyo Wake, “Ine ndine Mpesa, inu ndinu nthambi.” Moyo umene uli mu Mpesa uli mu nthambi. “Ntchito zimene ine ndikuzichita inunso mudzazichita,” ndipo analonjeza izo mu tsiku lino, pamene nthambi yotsatira ikutulukira. Ife tiri ndi nthambi zambiri zomezanitsidwa; ndithudi, izo zidzabereka chipatso, koma osati chipatso cha mtundu uwu. Oh, ayi.

²⁵⁶ Ine ndinawuwona mtengo mu Phoenix, osati kale kwambiri, iwo unali ndi pafupifupi zipatso eyiti kapena naini zosiyanasiyana pa iwo. Unali wa M'bale John Sharrit. Ine ndinati, “Umenewo ndi mtengo wa mtundu wanji?”

Iye anati, “Iwo ndi mtengo wa malalanje, M'bale Branham.”

²⁵⁷ “Bwanji,” ine ndinati, “pali mandimu ndi mphesa ndi—ndi manyumwa, ndi mananches.”

²⁵⁸ Ndipo iye anati, “Eya, zonsezoo ndi zipatso zowawasa.” Anati, “Ine ndinazimezanitsa izo mmenemo.”

²⁵⁹ “Oh,” ine ndinati, “Ine ndawona. Tsopano, chaka chamawa, iwo onse adzakhala malalanje?”

²⁶⁰ Iye anati, “Oh, ayi. Huh-uh! Ayi. Chaka chamawa ma—mandimu adzakhala mandimu, m—mphesa zidzakhala mphesa.”

²⁶¹ Ine ndinati, “Kuchokera pa mpesa womwewo? Kuchokera pomwepo, kuchokera—kuchokera pa mtengo wa malalanje?”

²⁶² Iye anati, “Inde. Izo zonsezoo ndi zipatso zowawasa, M'bale Branham. Iwo udzakhala moyo ndi chipatso chowawasa.”

²⁶³ Kenako ine ndinamverera misonzi ikutsikira pansi mmasaya anga. Ine ndinati, "Ambuye Yesu, ine ndikudziwa chimene Inu mukutanthauza tsopano." Ndi zimenezotu. Zipembedzo izi zazimezanitsa zokha mmenemo, koma izo zikubala chipatso cha chipembedzo.

²⁶⁴ Mvetserani. Ngati nthambi yeniyeniyo iti idzabereke konse. . . Mpesa weniweni ukadzabereka nthambi ina, iyo idzakhala yeniyeni. Khulupirirani zimenezo.

²⁶⁵ [Mlongo akuyamba kuyankhula mu lirime lina—Mkonzi] Sh-sh-sh-sh-sh! [Iye akupitiriza ndi kumaliztsa. M'bale akupereka kutanthauzira] Tikuthokoza Ambuye. Mmene Iye wazilonjezera izo!

²⁶⁶ Tsopano aliyense mwaulemu kwenikweni. Ine ndingoyima apa ndipo ndiwafunsa Ambuye Yesu.

²⁶⁷ Iyi ndi mphatso. Kodi mphatso ndi chiyani? Kuti ngati ine ndingachotsepo kuganiza kwanga, ngati ine ndingawusunthe moyo wanga kuwuchotsa kwa ine, wanga—moyo wanga wachirengedwe, solo yanga, umene uli William Branham; ngati ine ndingamuchotse iye panjirapo, Mulungu agwiritsa ntchito mzimuwo, thupi kuti ayankhule.

²⁶⁸ Mulole Mzimu Woyeru ubwere tsopano, Ambuye, kuti iwo akhoze kuwona, mwa anthu, kuti Mzimu Woyeru wozindikiritsidwa uli pano. Mphatso yoti mudzitengere nokha, njira . . .

Aliyense akhale molemekeza kwenikweni. Mukhale bata.

²⁶⁹ Mwamuna wakhala pomwe apa. Tsopano ine ndikufuna inu nonse mudzutse mitu yanu ndipo muyang'ane miniti chabe. Kodi inu mukutha kuwona Icho pomwe apa pa bambo awa? Kuwala, Kuwala kwa amba, kukuyaka, mokhala ngati mozungulira. . . Ndi angati anawona chithunzi cha Icho? Icho chinatengedwa kuno ku Houston. Inu mukuwona? Icho chiru mu Washington, DC, konsekone pa dziko lapansi. Chinthu chauzimu chokhacho chimene chinayamba chajambulidwapo, mu dziko lonse. Ndi Ichi pomwe apa tsopano.

²⁷⁰ Ine ndikutenga mzimu uliwonse muno pansi pa ulamuliro wanga, mu Dzina la Yesu Khristu.

²⁷¹ Bambo uyu akuvutika ndi vuto la zokhudzira pa mmbero pake. Ine sindikumudziwa iye, sindinayambe ndamuwonapo iye mmoyo mwanga, koma izo ndi zoona. Si kulondola uko, bwana? Kodi inu mukukhulupirira tsopano? Mwamuna kumbuyo uko, kodi inu mukukhulupirira kuti Mulungu andidziwitsa ine za inu? Ndinu Bambo Hall. Limenelo ndi dzina lanu, sichoncho? Chabwino, bwana. Izo zatha tsopano. Chikhulupiriro chanu chakuchizani inu.

²⁷² Ine ndikanakhoza kuitana mzere wa pemphero, ndi kuwabweretsa iwo kuno pa nsanja. Palibepo chifukwa

chopangira izo. Tiyen'i titenge umodzi wa mizere iyi apa, penapake. Apa, muyambire pomwe apa. Apa pali mtsikana wamng'ono wakhala apa. Tayang'ana mbali ino, wokondedwa. Ukoza kukhala wopanda vuto lirilonse ndi iwe, ine sindikudziwa. Koma tingoti, mmalo moti tikhale ndi mzere wa pemphero kuno, tiyen'i tikhale nawo iwo kumusi uko.

²⁷³ Tayang'ana kuno, wokondedwa. Tamuyang'ana M'bale Branham. Mu masiku amene Yesu anali kuno pa dziko lapansi...Inde, iye akudwala. Iye wadwalika kwambiri, mwana uyo pameneopo. Inde, bwana. Ngati Yesu akanakhala pano, Iye akanakuuza iwe vuto lako, sichoncho Iye? Kodi iwe ukukhulupirira kuti Yesu anamutumiza M'bale Branham kuti adzachite izo? Ngati ine nditakuuza iwe limene liri vuto lako, kodi iwe ukukhulupirira kuti Iye akuchirts'a iwe? Ndi matenda a shuga, mwana wamng'ono ameneyo. Sizingatheke mu dziko kuti iye achiritsidwe kunja kwa Mulungu. Iwe ukukhulupirira, wokondedwa?

²⁷⁴ Tsopano dona wakhala moyandikira, amene anakweza dzanja mmwamba, ameneyo ndi mayi wa mwanayo. Uko nkulondola. Ikani dzanja lanu pa iye, mlongo. Mukhulupirire tsopano. Mulungu anamubweretsa mwana ameneyo kwa inu. Ambuye apereke machirits'o ake.

²⁷⁵ Dona wotsatira uyu, amene wakhala moyandikana ndi amayi pameneopo. Ndiyang'ane ine, dona. Kodi iwe ukundikhulupirira ine kukhala wantchito Wake, wantchito wa Mulungu? Ngati Mulungu angandiuze ine chinachake mmoyo wako, kapena chimene iwe ukufuna, ngati iwe ukudwala, kapena iwe sukudwala, kapena chirichonse chimene icho chiri; ngati Mulungu atandiuz'a ine zokhumba zako, kodi iwe ukhulupirira? Kapena chinachake monga chimenecho, ine sindikudziwa chimene Iye ati achite, iwe ungakhulupirire zimenezo? Iwe ukudziwa kuti akuyenera kukhala Yesu Khristu.

²⁷⁶ Inu muli kutali mwatalikirana ndi ine. Inu simungandikhudze ine ngati inu mukanafuna; chifukwa, ngati inu mukanandikhudza ine, izo zikanayenera kukhala mwathupi. Inu mukuyenera kuwukhudza Mzimu. Mzimu ndi Khristu. "Iye ndi Wansembe Wamkulu tsopano," Baibulo limati, "amene akhoza kukhudzidwa ndi kumverera kwa zifooko zathu."

²⁷⁷ Iwe ukuvutika, nawenso. Kodi iwe ukukhulupirira kuti Mulungu akhoza kundiuz'a ine limene liri vuto lako? Iwe ukuvutika ndi vuto la nsana, ndi kuthamanga kwa magazi, ndipo iwe—iwe uli ndi kuthamanga kwa magazi, ndipo iwe uli ndi vuto la mtima. Izo ndi zonna ndendende. Ngati izo ziri zonna, kweza mmwamba dzanja lako. Uko nkulondola. Iwe ukukhulupirira tsopano?

²⁷⁸ Nanga bwanji iwe amene wayika dzanja lako momukumbatira iye pameneopo? Dona mbali iyi, yang'anani

kuno. Kodi inu...Ndine mlendo kwa inu. Kodi inu mukundikhulupirira ine kukhala wantchito Wake? Kodi inu mukundikhulupirira ine, kuti zimene ndanenazi ndi Choonadi, kuti ine ndakuuzani inu Choonadi. Kodi inu mukukhulupirira kuti Mulungu akhoza kundiululira ine vuto lanu? Chirichonse, Iye...chirichonse chimene icho chirri, inu mukukhulupirira kuti Iye akhoza kuulula izo? Icho si kwenikweni chirichonse chimene inu mukufuna kuti mupemphereredwe. Inu muli ndi khadi la pemphero, ine ndikuwona mdzanja lanu; ndinu woyamba kukhala ndi khadi la pemphero. Kodi inu mukukhulupirira kuti Mulungu akhoza kundiua ine chifukwa chimene inu mwatengera khadi la pempherolo? Ilo mwawatengera amuna anu. Kodi mukukhulupirira kuti Mulungu akhoza kundiua ine chimene chawavuta amuna anuwo? Ngati Mulungu samukhudza iye, iye afa. [Mlongoyo akuti, "Izo nzoona."—Mkonzi] Iye ali ndi khansa ndipo iye ali ndi vuto la mmapapo. Uko nkulondola, sichoncho? ["Zimenezo ndi zonna."] Uh-huh. Kwezani mmwamba dzanja lanu ngati izo ziri chomwecho. Ngati inu mungakhulupirire, ena onsewo akhulupirira, iye akhoza kuchiritsidwa.

²⁷⁹ Mwamuna uyo wakhala pafupi ndi inu, kodi inu mukundikhulupirira ine kukhala wantchito Wake, bwana? Ngati Mulungu angandiululire ine chimene vuto lanu liri, kodi inu mukhulupirira ndiye ndi mtima wanu wonse? Inu mukuvutika ndi vuto la mtima. Uko nkulondola. Ngati izo ziri zonna, kwezani mmwamba dzanja lanu. Uh-huh. Chabwino.

²⁸⁰ Donayo wangogwedeza mutu wake ndi iyemwini, monga choncho, wakhala pafupi ndi inu. Inu mukukhulupirira kuti Mulungu akhoza kundiua ine chimene mtima wanu, kapena chinachake chimene inu mukuchikhumba mu mtima mwanu, kapena chinachake, kapena chinachake, inu mukumupempherera winawake? Inu mukukhulupirira kuti Mulungu akhoza kuulula izo kwa ine pamene kudzoza kuli pano, ndipo ife tikhoza kuziwona Izo ndi kuwona chikuyenera kukhala chinachake chenicheni? Icho chikuulula zinsinsi za mu mtima, kuzitchula izo, chimodzimodzi monga mmene Yesu anamuuzira mkazi pa chitsime. Tsopano inunso mukudwala. Inu—inu mukuvutika ndi vuto la nsana. Lanu liri mu nsana wanu. Kwezani mmwamba dzanja lanu ngati izo ziri chomwecho. Uh-huh.

²⁸¹ Tsopano dona wotsatira kwa iye, amene akulira, muli ndi kachikwama kanu kali mthumba mwanu, mwavalala diresi la buluu, tsitsi lakuda, wojinja. Muyang'ane kwa ine. Kodi inu mukundikhulupirira ine kukhala wantchito wa Mulungu? Yang'anani kuno. Mwaona, inu mwakhala mpando wakutsogolo, ine ndikhoza kulumikizana nanu mophweka, mothandizidwa ndi Mulungu. Kodi inu mukukhulupirira kuti Mulungu akhoza kundiua ine lomwe liri vuto lanu, ngati kuti munali mu mzere

wa pemphero? Kodi inu mukukhulupirira kuti izo zikhoza kukhala chomwecho, kuchokera pano? Inu mukutero? Inu muli ndi kuthamanga kwa magazi kumene mukuvutika nako. Uko nkulondola, kwezani mmwamba dzanja lanu. Chabwino. Inu mukukhulupirira, ndipo mukhoza kuchiritsidwa.

²⁸² Dona amene wayandikana naye. Inu mukuganiza chiyani, mlongo? Yang'anani kuno, kwa ine. Inu mukundikhulupirira ine kukhala mneneri wa Mulungu, kapena wantchito Wake? Inu mukutero, ndi mtima wanu wonse? Inu mukukhulupirira Mulungu akhoza kufotokoza kwa ine, monga mkazi wa pa chitsime, pamene Yesu ndi mkaziyo anabwera pamodzi, kuti akhoza kundiua ine chimene vuto lanu liri? Kodi inu mukukhulupirira? Kodi izo zikuthandizani inu, izo zikuthandizani inu kuti mukhulupirire? Onani. Oh, inu muli ndi chinthu chovuta. Ichu ndi mwana, mnyamata. Uh-huh. Ndipo mnyamata ameneyo ali ndi manjenje amu ubongo. Iye ali kunyumba. Uko nkulondola. Ngati izo ziri zonna, kwezani mmwamba dzanja lanu. Mukhulupirire ndi mtima wanu wonse, mnyamatayo akakhala bwino. Inu mukhulupirire.

²⁸³ Dona wotsatira pamenepo. Kodi inu mukukhulupirira, mlongo, ndi mtima wanu wonse? Kodi inu mukundikhulupirira ine kukhala mneneri Wake, wantchito Wake? Kodi inu mukukhulupirira kuti ndi Yesu Khristu, basi mwa mphatso imene... .

²⁸⁴ Uneneri ndi mphatso. Inu mukudziwa, mphatso ya Mulungu, iyo inadzodzedweratu kale mmbuyo dziko lisanayambe. Iyo inkayenera kudzodzedweratu kwa tsiku lino. Inu mulibe njira yodziwira chimene iyo ili. Mulungu amangoizindikira iyo ndipo nkumatanthauzira Mawu Ake.

²⁸⁵ Kodi inu mukukhulupirira kuti izo ziri chomwecho, zimene inu mwamvazo? Kodi inu mukukhulupirira kuti ine ndikhoza... . Ngati ine ndingathe kukuuzani inu vutolo, inu mukudziwa kuti sindingakhale ine. Angakhoze kukhala Wina; liwu langa chabe, koma Winawake akuligwirtsa ilo ntchito. Basi monga ngati maikrofoni iyi, iyo siimayankhula mpaka winawake atayankhula kudzera mwa iyo. Ife ndife alendo. Mukuona? Ine ndataya ma-... .

²⁸⁶ Ndi uyu apa. Inde, bwana. Donayo akuvutika ndi vuto losowa magazi. Ilo liri mmagazi ake. Ngati izo ziri zonna, kwezani mmwamba dzanja lanu, dona. Uko nkulondola. Iwe-iwe ukumupemphereranso mnyamata wamng'ono uyu kumapeto. Ameneyo ndi mwana wanu wamng'ono wakhala apo kumapeto. Ngati izo ziri zonna, bayibisani dzanja lanu. Ngati Mulungu angandiwuze ine chimene chamuvuta mwana wanu wamwamuna wamng'ono, inu mukhulupirira ndi mtima wanu wonse kuti Mulungu amayankhula ndi ine, ndipo izo nzoona? Iye akuvutika ndi vuto la manjenje lowonjeza. Uko nkulondola.

Kodi uko sikulondola? Ndiye tuyike dzanja lanu pa iye, ndipo mukhulupirire ndi mtima wanu wonse, ndipo iye akhala bwino.

²⁸⁷ Ine ndikukubetcherani inu kuti mukhulupirire izo! PAKUTI ATERO AMBUYE MULUNGU. Texas, ngati iwe uti udzafe mu tchimo, iwe udzafa wopanda magazi anga pa iwe. Kumbukirani, magazi anu siali pa ine. Ndi chimenecho Choonadi! Ameneyo ndi Yesu Khristu akuzindikirisidwa, mizere ya pemphero, kulikonse kumene iyo ili. Mukhulupirire pa Ambuye Yesu Khristu! Inu muchita zimenezo? Inu mwakhutitsidwa, inu mwakhutitsidwa bwino bwino kuti akuyenera kukhala Yesu Khristu mogwirizana ndi Mawu a lonjezo la lero? Kwezani mmwamba manja anu, aliyense amene wakhutitsidwa bwino bwino kuti ndi Ambuye Yesu Khristu. Ameni. Mulungu akudalitseni inu.

²⁸⁸ Ine ndikudziwa kuti inu mwaphunzitsidwa. Inu mwaphunzitsidwa, aliyense wa inu, chinachake. Ndipo ine ndikuwona ichi ndi—icho ndi... chodzodza kwambiri, chikhoza kukankhidwira kulikonse tsopano, mwaona. Inu mwaphunzitsidwa kuti muzisanjika manja pa odwala. Zimenezo ndi mwambo. Izo nzabwino. Yesu anavomereza zimenezo.

²⁸⁹ Koma Wachiroma uja, ndi amene ine ndakhala ndikuyesetsa kuti ndikubweretsereni inu, sabata ino. “Ine si woyenera,” anatero Wachiroma, “kuti Inu mubwere pansi pa denga langa. Mungonena Mawu!” Mukuona?

²⁹⁰ Ngati winawake ayika manja pa inu, ndiye, “M’bale Wakuti-ndi-wakuti anayika manja pa ine, ulemelero kwa Mulungu!”

²⁹¹ Ine—ine—ine ndiwafunsa atumiki, atumiki okhulupirira kuti abwere kuno, kuti zingokhala, si manja anga, ndi—ndi—ndi basi chimene Yesu ananena, “Iwo adzaika manja pa odwala.”

²⁹² Ife tipempherera odwala, aliyense. Ndi angati amene ali ndi makadi a pemphero, kudutsa mchipindachi, pamenepe tiyeni tiwone manja anu. Eya, ife tinakulonjezani inu, tsopano ife tiri ndi theka la ora kuti tizikonze zimenezo. Ine ndifunsa . . .

²⁹³ Ife tzipange motani izi, M’bale Pearry. Kodi inu muli ndi lingaliro lirilonse? Kuyambira mbali iyi *apa*?

²⁹⁴ Mulole mzere *uwu* apa kunjako, amene ali ndi makadi a pemphero, tuyime motsatira khoma, muzitulukira kudzera *uko* ndipo muzidzayima motsamira khomalo. [M’bale akuyankhulana ndi M’bale Branham zokhudza mzere wa pemphero—Mkonzi] Chabwino, bwana. Izo ziri bwino. Muime uko mbali *iyo*.

²⁹⁵ Nonse kuchokera pakati apa, kuchokera... tsopano inu tuyime mu kanjira, mwaona. Inu mungoyima mu kanjira, amene muli mukanjira aka, kapena, pakati apa, tuyime mu kanjira.

²⁹⁶ Amene ali mbali *iyo*, muime mbali *iyo*. Amene muli muno, muime pakati apa, mbali *iyi*. Ndipo amene muli mbali *iyo*,

muyime pamene. Ndipo inu muzingowutsatira mzere wanu pamene iwo akubwera. Uko nkulondola. Iwo akhala pansipo kuti azikulangizani inu zoti muchite.

²⁹⁷ Ine ndikufunsa... Izi ziri bwino, M'bale Pearry? [M'bale Pearry Green akuti, "Ndithudi."—Mkonzi] Ine ndikupempha atumiki amene amakhulupirira mwa Khristu, kuti Khristu awachiritsa anthu odwala awa powasanjika manja ndi potsatira malamulo Ake, ine ndikukupemphani inu kuti mubwere pano ndi kudzayima ndi ine ngati inu mukukhulupirira izi kukhala Choonadi. Mtumiki aliyense wa Uthenga, ngati inu muli wa Methodisti, Baptisti, Presbateria, Lutheran, wansembe wa Katolika, chirichonse chimene inu muli; ngati inu mukukhulupirira kuti Yesu Khristu amachiritsa odwala, ndipo wawatuma ophunzira Ake kuti asanjike manja pa odwala, kwa machiritso awo, kodi inu mungabwere kuno?

²⁹⁸ [M'bale akuti, "Mumuuze aliyense kuti apite kumbuyo." M'bale Pearry Green akuti, "Aliyense amene akufuna kupemphereredwa, apite kumbuyo."—Mkonzi]

²⁹⁹ Tsopano pitani kumbuyo ndipo muzitsatira mozungulira, mwaona. Nonse amene muli mu mizere iyi tsopano, mupite kumbuyo komwe uko ndipo mukatenge malo anu, muzitsatira mozungulira njira *iyo*, ndipo kenako inu mudzabwererenso pa malo anu kenanso, basi mwadongosolo mmene izo zingakhalire.

³⁰⁰ Ine ndikudabwa, abale, ngati zingakhale zabwino tikanatsika? Ine ndikuganiza ilo ndi lingaliro labwino. Tsopano, bola ndisiye maikrofoni awa apa. Tiyen... Roy, iwe uyime apa pa maikrofoni. Kapena, inde, iwe bola ubwere pansi ndi ine, inu mwaona. Inde. Kapena, pokhapokha ngati iwe ukufuna kuyima apa. Chabwino, Roy, iwe uyime apa ndiye. Chabwino.

³⁰¹ Tsopano iwe ukupita. Tsopano ine ndikufuna, aliyense asachoke, chonde. Mwaona, chinthu kumene chimene ife takhala tikuchipempherera!

³⁰² Tsopano inu mukuti, "M'bale Branham, nchifukwa chiyani inu mukuwabweretsa atumiki onsewa pano?" Ine ndibwera limodzi nawo iwo. Koma ine...

³⁰³ Mwaona, chimene icho chiri, iwo ali ndi ufulu wopempherera odwala chimodzimodzi monga ine ndiri nawo, kapena aliyense amachitira, chimodzimodzi monga Oral Roberts kapena—kapena utsogoleri wolowezana uliwonse, ziribe kanthu kuti iyeyo ndi ndani. Iwo ali ndi ufulu wokwanira kupempherera odwala monga ngati Petro, Yakobo, Yohane, Mateyu, Marko, Luka, aliyense wa iwo amene anali nawo. Iwo ndi atumiki, oitanidwa ndi Mulungu. Zachitika kuti ndawawona abale awiri kapena atatu mmenemo amene ine ndikuwadziwa, mwandekha, amene ali ndi utumiki wopempherera odwala.

³⁰⁴ Tsopano pamene inu mukufola pa mzere apa, ine ndikufuna... Ndi angati mu gulu ili amene akhutitsidwa bwino

bwino, ndi mtima wanu wonse, kuti inu mukukhulupirira kuti icho ndi chifuniro cha Mulungu kuti awachiritse anthu amenewo. [Osankhana akusangalala ndipo akuti, “Ameni.”—Mkonzi] Ndithudi, izo ziri. Ndithudi, icho ndi chifuniro cha Mulungu kuti awachiritse iwo.

³⁰⁵ Tsopano kodi iwo achiritsidwa motani? Tsopano, ngati Iye akadakhala pano, Iyemwini, Iye sakanachita zoposa zimene Iye akuchita pakali pano. Kodi inu mukukhulupirira zimenezo? [Osonkhana akuti, “Ameni.”—Mkonzi] Basi chimene Iye wachita pakali pano, icho ndi chimene Iye akanatzachita, chifukwa Iye ali yemweyo dzulo, lero, ndi kwanthawizone.

³⁰⁶ Ndi angati amene akudziwa kuti Yohane Woyer 5:19 amanena izi, “Mwana sangachite kanthu mwa Iyemwini”? ndi angati akudziwa zimenezo? [Osonkhana akuti, “Ameni.”—Mkonzi] “Koma chimene Iye awawona Atate akuchita, chimenecho Mwana amachichita.” Mukukhulupirira izi? [“Ameni.”] Kenako, Yesu sanapange chozizwitsa chimodzi mpaka Atate atamuwonetsa Iye, mwa masomphenya, choti achite. Amenewo ndi Mawu Ake Omwe. Ngati izo siziri chomwecho, ndiye kuti ife tonse tataika, ife sitikudziwa pamene ife tiri. Ndi zimenezotu. Mwaona, Mawu Ake ndi osaguga.

³⁰⁷ Tamuwonani Iye akudutsa, pa thamanda la Betaida, maora pang’ono...pafupifupi ora zimenezo zisanachitike. Pamenepo panakhala unyinji wawukulu wa olumala, akhungu, osayenda, opinimbira. Ndi angati amene akudziwa kuti zimenezo ndi zoonia? Ndipo Iye sanamugwire mmodzi wa iwo nkomwe, komabe Iye anali Mulungu wa chifundo. Kodi inu mukukhulupirira kuti Iye anali ndi chifundo? [Osonkhana akuti, “Ameni.”—Mkonzi] Kumusiya mayi ameneyo, ali ndi mwana wa vuto la mutu wa madzi; bambo wokalamba wakhungu wosauka uja, akumuitana winawake, kuti amuyike iye mmadzi pamene iwo avundutsidwa. Mulungu wa chifundo! Mukuona?

³⁰⁸ Anthu samadziwa kuti chifundo ndi chiyani. Iwo amasakaniza chikondi cha firio ndi chikondi cha Agapao; izo ndi zikondi ziwiri zosiyana, pamodzi. Chifundo ndi chinthu chomwe chomwecho; zikhumbo, ndi chifundo, ndi zosiyana.

³⁰⁹ Koma, taonani, Iye anapita kwa munthu amene mwinamwake anali ndi vuto la thumbo, kapena mwinamwake chinali chifuwa chachikulu. Icho chinali cha mgonagona; iye anali nacho icho kwa...izo—izo zinali—izo zinali zaka sate eyiti zimene iye anali nacho. Icho sichikanamupha iye. Ndipo Iye anapita kwa bambo ameneyo, ndipo Iye anati, “Kodi iwe ukufuna kukhala bwino?” Ndi angati amene akudziwa kuti izo ndi zoonia? Ndipo analisiya gulu lonselo litakhala pamenepo.

³¹⁰ Nanga bwanji ngati Iye attachita zimenezo mu Beaumont, lero? “Oh, mai! Palibepo kanthu ku machiritso Auzimu, ndiye, inu mwaona.”

³¹¹ Mwaona, iwo samamvetsa. Yesu ali yemweyo dzulo, lero, ndi kwanthawizone. “Ine sindichita kanthu mpaka Atate atandiwonetsa kaye Ine poyamba.”

³¹² Koma anthu ambiri amangogona mu mthunzi wa Iye, ndipo amachiritsidwa ndi chikhulupiriro chawo chomwe. Mkazi wamng’ono atakhudza chovala Chake ndipo anachiritsidwa. Ndi angati akudziwa zimenezo? Machiritsa amakhazikika pa chikhulupiriro chanu. Kuzindikiritsidwa ndi Mulungu zimakhazikika pa lonjezo la Mawu Ake, koma chikhulupiriro chanu mu kuzindikiritsa Kwake ndi chimene chimakuchiritsani inu. Ngati inu simutero, ziribe kanthu, munthu woyeresetsa mu dziko lonse akhoza kuyima pano ndi kupemphera utali wa tsiku lonse, izo sizingapange kachidutswa kamodzi ka ubwino mpaka inu mutakhulupirira izo, motsimikizika, inueni. Yesu akhoza kuyima pano Iyemwini, mu thupi lochita kulivala, kumaika manja pa inu, ndipo komabe inu osachiritsidwa. Ndi angati akudziwa zimenezo? “Ntchito zambiri zamphamu Iye sakanazichita chifukwa cha kusakhulupirira kwawo.” Amenewo ndi Malemba.

³¹³ Chotero, inu mwaona, inu amene muli mu mzere wa pemphero, icho chikuyenera kukhala chikhulupiriro chanu mu Mawu. Tsopano ngati inu mumuwona Mulungu akuchita zimene Iye wachitazi... Onani, ndiloleni ine ndingoperekwa umboni waung’ono umodzi pamene inu mukukonzekera. Mvetserani mwatcheru. Usiku wa dzana...

³¹⁴ Pali mtumiki wamng’ono pano penapake. Ine ndinamuwona iye pano, kanthawi kapitako. Dzina lake ndi Martin. Ine ndaiwala... Iye ndi mmodzi wa othandizira. Pomwe *pano*.

³¹⁵ Pafupifupi pakati pa usiku, pafupi ndi izo, winawake anadzandidzutsa ine mchipinda changa. Mnyamata wamng’ono akulira, mtumiki wamng’ono, mwana wake anali atamwalira kumene. Misonzi ikuyenderera pa nkhopre yake.

³¹⁶ Iye amakhala kwinakwake uko... Kodi dzina la tauni imene iye amakhala ndi chiyani? [Winawake akuti, “Missouri.”—Mkonzi] Missouri. Kumtunda kuti? [“Wardell, Missouri.”] Wardell, Missouri. Ine ndikumudziwa mnyamatayo. Ine ndikumudziwa mchimwene wake kuno, nayenso. Iwo ndi azimzanga a ine.

³¹⁷ M’bale uyu analowa mmenemo misonzi ikutsikira mmasaya ake, anati, “M’bale Branham, ine ndangoimba kumene... Mkazi wanga wangondiimbira ine. Khanda langa laling’ono langosiya kumene kupuma.” Iye anayika manja ake pa ine, anati, “M’bale Branham, ine ndikukhulupirira Mawu a Ambuye ali ndi inu.” Oh, Mulungu angapange bwanji... Basi monga, “Ngakhale tsopano, Ambuye! Ngati Inu mukanakhala pano, mchimwene wanga sakanafa.” Mwaona, iye samavomereza kwa ine. Iye anali kuvomereza Mawu a Ambuye, inu mwaona, kuti ine

ndimalalikira Choonadi. Iye anati, "Ine ndikukhulupirira Mawu a Ambuye ali ndi inu. Mungomupempha Iye; mwana wanga akhala moyo." Mu maminiti teni kuyambira pamenepo, mwana wake anali akupuma bwinobwino, ali bwino tsopano.

³¹⁸ Mwana wanga wayima pano penapake, Billy Paul, iye anali atapita kukayankhulana naye iye. Ndipo ine ndinali pamenepo mu zovala zanga zogonera. Ndipo pafupifupi maminiti pang'ono kenako anabwera, anati, "Adadi, Adadi, taonani apa!" Ndipo khosi lake lonse litatupa, ndipo litafiira, ndipo chotupa chachikulu—chotupa pafupifupi chachikulu choncho mozungulira. Anati, "Kangaude wamkulu wooneka mwakuda ndi dontho lofiira pa iye! Ine ndinaima pamenepo, ine ndimayankhulana ndi John, ndipo iye wandiluma ine pamenepo. Ndipo taonani apo, pakutupa."

³¹⁹ Ine ndinati, "Oh, Billy, kangaude wakuda, mwinamwake." Ndipo ine ndinati, "Tayang'ana khosi lako, mmene ilo latupira."

³²⁰ Ine ndinaika dzanja langa pamenepo, ine ndinati, "Ambuye Yesu," mu maminiti teni kuchokera pamenepo panalibe nkomwe ngakhale... inu simukanadziwa kuti malowo anali pamenepo nkomwe. Mukuona? Icho ndi chiyani? Mukuona?

³²¹ Winawake anadzabwera tsiku lina ndipo anati, ku ofesi, ndipo imodzi, ya ofesi, anatalukira, ndipo anati, "Mukamuuze M'bale Branham ndimangofuna kumuza kuti mwana wanga..." Iye anati, "Ine ndikukhulupirira ngati... chimene inu munganene." Koma, mwaona, ine sindinganene izo mpaka Iye atandiuza ine.

³²² Koma apa ine ndiri ndi Mawu amanena izi, "Zizindikiro izi zidzawatsata iwo amene akhulupirira. Ngati iwo adzayika manja awo pa odwala, iwo adzachira." Tsopano, Mulungu sangachite zinthu zimenezo ndi kukusiyani inu mutayima pamenepo. Inu mukuyenera ku... inu mukhulupirire chinthu chomwecho, icho chikuchitikirani inu. Koma inu mukuyenera kukhulupirira izo, osati kungobwekerera izo. Inu mukuyenera kukhulupirira izo.

Tsopano tiyeni tipemphere, poyamba, tonse pamodzi.

³²³ Ine ndikufuna aliyense wa inu nonse... pamene abale ayima apa pa maikrofoni iyi. Ine ndikupita pansipo kuti ndikathe kuyika manja pa iwo, nanenso. Iwo ndi anthu anga, iwo ndi anga... Iwo ndi korona mu nyenyezi wanga, chimodzimodzi momwe iwo ali mu korona wanu, abale anga otumikira. Ine ndikubwera kumeneko chifukwa ife timawakonda iwo, ndipo iwo ndi ana a Mulungu. Ife tikubwera kudzawathandiza iwo.

Tsopano tiyeni tipemphere.

³²⁴ Ambuye Yesu, munthu amene anganene kuti Kukhalapo Kwanu sikuli pano, akhoza... pakhoza kukhala chinachake cholakwika mmaganizo. Monga ngati munthu amene wakana

kuvomereza kuwala kwa duwa; winawake wamuuza iye kuti duwa likuwala, iye nkuthamangira pansi ndi kukatseka chitseko, ndikuti, "Ine ndikungokana kuti ndikhulupirire zimenezo! Ine ndikukana kukhulupirira zimenezo!" Chabwino, ife tikhoza kudziwa, Ambuye, kuti chinachake mmaganizo ndicholakwika ndi munthuyo. Ndipo chomwechonso ndi munthu amene angakhoze kutsekereza zotengera za chifundo, mu Kuwala kwa Mawu a Yesu Khristu akuwonetedwa, akhoza kunena kuti, "Ine sindikukhulupirira Izo," pali chinachake cholakwika mwauzimu ndi munthuyo.

³²⁵ Chotero ife tikudziwa kuti Inu muli pano, Atate. Popanda kukaikira, ife tikukhulupirira zimenezo. Ife tikuwona Zanumphondero Zanu. Ife tikuwona zirembo Zanu. Ife tikuwawona Mawu Anu.

³²⁶ Pali mahandiredi amene ayima pano mu mzere wa pemphero uwu. Ndipo munthu wabwino wa Mulungu waima apa, ankhondo aakulu a Chikhulupiriro; ine ndikupita pansi kuti ndikaike phewa langa ndi lawo, Ambuye. Pamene anthu odwala awa azidutsa mzere wa pemphero uwu, mulole aliyense wa iwo akadziwe kuti sikungomudutsa munthu winawake. Iwo akubwera pansi pa Mtanda wa lonjezo. Mulole iwo achoke pano atachiritsidwa, apite akusangalala, atachira; akawauze abusa awo. Mulole izo zipangitse chitsitsimutso chachikale kufalikira, kutsika kuzungulira maiko awa, Ambuye, akabweretse miyoyo yambiri kwa Inu. Ambuye, iwo ndi Anu. Athandizeni iwo. Achiritseni iwo, ine ndikupemphera, mu Dzina la Yesu Khristu.

Ine ndikufuna aliyense tsopano ndi mitu yanu yoweramitsidwa, mukupemphera.

³²⁷ Ndipo ine ndikufuna, pamene inu... Mvetserani, mzere wa pemphero tsopano. Pamene inu muzidutsa, chimodzimodzi monga ngati inu muli pansi pa Mtanda, mukhulupirire ndi chirichonse chimene chiri mwa inu. Muchoke pano mukukondwerera, wokondwa, mukuti, "Zikomo Inu, Ambuye. Ine ndikukhulupirira machiritso anga." Ndipo ngati inu simukukhulupirira zimenezo, ndiye inu mukhoza kungokhala pansi, chifukwa izo sizichita ubwino uliwonse.

³²⁸ Ine ndikufuna osonkhana onse, aliyense, kuti tikangodzadzana Kumwamba, monga choncho, mu Kukhalapo kwa Khristu, "Ambuye Yesu, zidziwitseni Nokha kwa ife tsopano! Chiritsani odwala awa!" Inu muchita izo? [Osonkhana akuti, "Ameni."—Mkonzi]

M'bale Borders, pamene inu mukuyimba, *Kungokhulupirira*.

³²⁹ Asiyeni iwo apa. Ife sitikuwasowa iwo. [M'bale akufunsa za maikrofoni, "Inu muwasiya iwo apa?"—Mkonzi] Eya.

³³⁰ [M'bale Branham ndi atumiki akupita pansi tsopano ndipo akupempherera aliyense amene akudutsa pa mzere wa

pemphero, pamene M'bale Roy Borders akutsogolera osonkhana mu kuyimba *Kongo khulupirira*. Malo osajambulidwa pa tepi—Mkonzi]

Kongo khulupirira!

³³¹ Tiyeni tikweze manja athu tsopano.

Zinthu zonse ndi zotheka, kungo khulupirira.

Tsopano tiyeni tinene izo monga chonchi:

Tsopano ndikukhulupirira, oh, tsopano
ndikukhulupirira,

Zinthu zonse ndi zotheka, tsopano
ndikukhulupirira,

Tsopano ndikukhulupirira, oh, tsopano
ndikukhulupirira,

Zinthu zonse ndizotheka, oh, tsopano
ndikukhulupirira.

³³² Mpaka ine ndidzakumane nanunso inu, ine ndikufuna ndizichoka ku Texas ndikuwawona iwo akufuula matamando a Mulungu. Tiyeni tingokweza mmwamba manja athu ndi kumupatsa Mulungu matamando, aliyense wa ife. [Osonkhana mokondwera akufuula ndipo akumutamanda Mulungu—Mkonzi]

³³³ Ambuye Yesu, ife tikukuthokozani Inu chifukwa cha Mawu Anu, chimene Inu mwatichitira ife. Ine ndikukuthokozani Inu, pokwanitsa kuwayankhula anthu abwino awa, ndi kuwona mphamvu Yanu ndi madalitso pa iwo. Adalitseni iwo, Ambuye. Mulole iwo amvetse. Ndipo mulole Mzimu Woyeru umuchiritse aliyense ndi kumupulumutsa aliyense, mu masiku otsiriza ano. Kudzera Dzina la Yesu Khristu, Ambuye, ine ndikuwaperekwa iwo kwa Inu ngati zida za Mkwatibwi, pakuti iwo akukhulupirira kudzera mu chisomo cha Mulungu.



CHIKOKA CHA64-0315
(Influence)

Uthenga uwu wa M'bale William Marrion Branham, woperekedwa mu Chingerezi Lamlungu madzulo, Marichi 15, 1964, ku Municipal Auditorium mu Beaumont, Texas, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2020 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org